


আয়ুর্বেদ ও অ্যামেনিভিভাঙ্ক




আয়ুর্বেদ বিদ্যাভীর্ষ—
 কবিরাজশ্রী (স্বরস্মেনার্থ) গোস্বামী
 বি, এ, এল, এম, এস, বিদ্যাবিনোদ
 প্রণীত ।



কবিরাজ
 শ্রীকাহ্নপ্রিয় গোস্বামী বিজ্ঞানভীর্ষ কর্তৃক
 ২৮ নং মাণিকতলা ষ্ট্রীট, কলিকাতা হইতে
 প্রকাশিত ।



মূল্য ১০ চারি আনা ।



ଜନ୍ମଭୂମି-ପ୍ରେସ ।

କଲିକାତା—୩୯ ନଂ ମାଗିକ ବସ୍ତ୍ର ଷାଟ ଷ୍ଟିଟ, ହିତେ

ଶ୍ରୀନରେନ୍ଦ୍ରନାଥ ଦତ୍ତ ଦ୍ଵାରା ମୁଦ୍ରିତ ।




ভূমিকা ।

যে প্রণালীর চিকিৎসা অবলম্বন করিলে তরুণ জ্ঞানাদিতে কুইনাইন প্রয়োগ
মা করিয়াও আমরা কার্যসিদ্ধি—লাভ করিতে সমর্থ হই,—এই প্রবন্ধে বা
পুস্তকে তাহাই প্রদর্শিত হইয়াছে। কিন্তু একবারে সে প্রণালীর চিকিৎসা বলিতে
গেলে পাছে তাহার উপাদেয়তা স্পষ্ট প্রতিভাত না হয়, এই জন্ত প্রবন্ধের
ভূমিকা স্বরূপ এ দেশে বিদ্রিষ্ট গণমেণ্টের প্রসাদে এ যাবৎ ম্যালেরিয়া জর নিবা-
রণের যে ক্রম অনুসৃত হইয়াছে, তাহাই সংক্ষিপ্তভাবে আমি ইহাতে অনেক স্থানে
দলিয়াছি। আশা করি মনোযোগের সহিত এই প্রবন্ধের আত্মোপাস্ত পাঠ
করিলেই সকলেই বুঝিতে পারিবেন, আমার প্রদর্শিত আয়ুর্বেদীয় জর
চিকিৎসা প্রণালী প্রতীচ্য চিকিৎসার আদর্শ না হইলেও অতুরূপ কিনা।

প্রবন্ধটি সর্বপ্রথমে “আয়ুর্বেদ সভায়” পঠিত হয়। প্রবন্ধ শ্রবণ করিয়া অনেক
মহানুভব সুপণ্ডিত সূচিকিৎসক প্রবন্ধের সুখ্যাতি করিয়াছিলেন; সুপ্রসিদ্ধ
“জন্মভূমি” সম্পাদক শ্রীযুক্ত যতীন্দ্রনাথ দত্ত মহাশয়ের বিশেষ আগ্রহে—উক্ত
“জন্মভূমি” পত্রিকায় ইহা প্রথমে ধারাবাহিকরূপে প্রকাশিত হয়। এক্ষণে সুধী-
সমাজে ইহা সাদরে পরিগৃহীত হইলে পরিশ্রম সার্থক জ্ঞান করি।

২৮ মাগিকতলা ষ্ট্রীট, কলিকাতা ।
৩২শে আষাঢ়, ১৩২১ সাল ।

শ্রী হরেন্দ্রনাথ গোস্বামী ।



আয়ুর্বেদ ও ম্যালেরিয়া জ্বর ।

বাঁহারা সহরে বাস করেন, এবং পল্লীগ্রামের বিশেষ কোন সংবাদ রাখেন না, তাঁহারা হয়ত অনুমান করিতে পারিবেন না,—পাড়াগেয়ে লোক আমরা আমাদের আজ কি দুর্ভাবস্থা ! মানুষের যতকিছু সুখ আছে, তাহার মধ্যে স্বাস্থ্যই তাহার পরম সুখ, আর যত প্রকার দুর্গতি আছে, তাহার মধ্যে সর্বাপেক্ষা দুর্গতি জ্বরে জ্বরে ভুগিয়া মরার মত বাচিয়া থাকা । এই সুখ হইতে যেমন আমরা আজ বঞ্চিত, এই দুর্গতিও আজ আমাদের ঘরে ঘরে । ম্যালেরিয়ার প্রবল আক্রমণে সকল পরিবারে—সমস্ত পল্লীগ্রামে, যে হাহাকার উঠিয়াছে, তাহা বাঁহারা স্বকর্ণে শুনিয়াছেন এবং স্বচক্ষে দেখিয়াছেন, তাঁহারা অবশ্যই বলিবেন, মানবের যত প্রকার দুর্গতি আছে, তাহার মধ্যে সর্বাপেক্ষা দুর্গতি ম্যালেরিয়া । এই ব্যাধির দাক্ষণ আক্রমণে মানুষ মানুষ থাকে না । তাহার শোভা সৌন্দর্য্য, বল বুদ্ধি কার্য্য পটুতা আয়োগ্যতির দুর্দমনীয় ইচ্ছা সমস্তই ধীরে ধীরে অন্তর্হিত হইয়া যায়, তাই বলিতেছি, যদি একবার এই পাপ ব্যাধি শরীরে অনুপ্রবিষ্ট হইয়া বন্ধমূল হয়, তাহা হইলে মানুষ মানুষ থাকে না । ম্যালেরিয়া এখন আমাদের গৃহে গৃহে—আমাদের পুত্র কন্যা, জনক জননী, পত্নী সোদর সোদরা এমন খুব কমই আছেন, যিনি আজ এই প্রবল পীড়ায় প্রপীড়িত নহেন ? প্রাতে ও সন্ধ্যায় পল্লার বক্ষে যে সঙ্করণ ক্রন্দন ধ্বনি উঠে, বলিতে কি—তাহার তিন ভাগেরও বেশী—এই ভয়ঙ্কর ব্যাধির বিজয় সঙ্গীত । বাঙ্গলা দেশের যত কিছু অবনতি, ধরিতে গেলে, তাহার অধিকাংশেই মূলে ম্যালেরিয়া অনেক পরিমাণে দণ্ডায়মান ।

কৃষকের ক্ষেত্রে ভাল কবিয়া আর যে শস্ত সমুৎপন্ন হয় না, তাহার কারণ ভূমির উর্বরতার তত বৃদ্ধি নহে, তাহার মূল কারণ অনুসন্ধিৎসু হইয়া বিচার করিলে, স্পষ্টই উপলব্ধি হইবে, চাষাব হাতের কজ্জীতে বল নাই, চবণে শক্তি নাই, লাঙ্গলের ফাল জোব করিয়া মাটিব ভিতব সে অনেকখান ধরিয়া বসাইয়া রাখিতে পারে না—এই জন্ত ষোল্‌খানা ফসলের জায়গায় সে কোনরূপে ছয়খানা ফসল পায়, আর আধপেটে খাইয়া তাহাব পুত্র পরিবার কোনরূপে অতিকষ্টে জীবন ধারণ করে । এই দীন পরিবারের উপর পক্ষা

বাণের মত এই ব্যাধির আক্রমণের যত জোর । কম্পজ্বরে কাঁথা মুড়ি দিয়া বেলা দশটার পর হইতে সে শোয়, আর সূর্য্যদেব পাটে বসিলে সে উঠে — প্রত্যুষের কয়েক ঘণ্টা তাহাতে জমী ভাল করিয়া চষা তাহার পক্ষে সম্ভব কি ? ম্যালেরিয়ায় আমাদের দেশের উন্নতির প্রথমস্তর বিধ্বস্ত ! সুজলা সুফলা শস্ত-গ্রামলা এই পূত জন্মভূমির দক্ষিণহস্ত ম্যালেরিয়ায় আজ এইরূপে একরূপ নিস্তেজ ! দেশের আশা ভরসা, ভবিষ্যতের আলো,—আমাদের ছাত্রসমাজ তাহার প্রতি একবার দৃষ্টি নিক্ষেপ করুন,—কি দেখিবেন, দেখিবেন, তাহাদেব উজ্জল নয়ন জ্যোতিশূত্র, মুখ মলিন, চক্ষুর কোণে রক্ত নাই,—উদর প্লীহায় অর্ধেক জুড়িয়া গিয়াছে ! যকুতেও অপরাধি পূর্ণ ! মনে উৎসাহ থাকিলেও শরীরে সামর্থ্য নাই, পড়াশুনা করিবে কি ? মস্তিষ্ক ২১ ঘণ্টা না পড়িতেই অবসন্ন হইয়া আসে ! জন্মভূমির প্রকুল মুখচ্ছবি তাই আজ নিরানন্দে পরিপূর্ণ । এই সুখের শরণ—এই কার্তিক অগ্রহায়ণ—উষ্ণদেশে কত আনন্দের দিন ! কত উৎসবের দিন ! কিন্তু পরিবারের মধ্যে এমন লোক নাই যে, একজন বল করিয়া আর একজনের সেবা করে,—গৃহলক্ষ্মী যিনি তিনিও যেমন দুর্বল ও পীড়িত, তেমনি তাঁহার আশ্রিত বাহারা তাহারাও দুর্বল ও পীড়িত । এমন পরিবার অনেক, যে ঘরে চাল ডালের সংস্থান থাকিতেও রন্ধনিবার লোকের অভাবে তাহাদের উষ্মনে আগুণ জ্বলে না । ম্যালেরিয়ায় দেশ বাস্তবিকই অবসন্ন, মৃত্যু সংখ্যাও ইহাতে এত বেশী যে, অত্র কোন ব্যাধির সহিত ইহার তুলনাই হয় না ! শুনিলেও ধ্বংস হয়,—যে নদীয়ার প্রায় অর্ধেক লোক, যশোহরের প্রায় তিনভাগ লোক, এই ব্যাধির আক্রমণে আজ আক্রান্ত । ম্যালেরিয়া আমাদের দেশের সর্ব্বনাশ সাধন করিয়াছে ও করিতেছে । নৈহাটী, কাচড়াপাড়া হালিসহর, গুপ্তিপাড়া, সোমরা, বলাগড়, উলো প্রভৃতি প্রাচীন বহু বিখ্যাত বিখ্যাত পল্লী আজ যে এক প্রকার জনশূন্য, বৃহৎ বৃহৎ অট্টালিকা আজ যে পেচকের, বাতড়ের ও কপোতের লীলাগৃহ, পথ ঘাট যে অরণ্যে ভরিয়া গিয়াছে—কে বলিবেন ম্যালেরিয়া তাহার কারণ নহে ? ম্যালেরিয়ায় গ্রামকে গ্রাম উজাড় হইয়া গিয়াছে, বাইতেছে ও বাইবে, ইহাতে প্রতিবাদ করিবার কেহ নাই । গৃহের পর গৃহ, পল্লীর পর পল্লী, গ্রামের পর গ্রাম, জেলার পর জেলা, অধিকার করিয়া ম্যালেরিয়া এখন সহরেও প্রবিষ্ট হইয়াছে । দেশের সর্ব্বত্রই এখন ম্যালেরিয়া ! কিন্তু এই প্রবল পাপ কোথা হইতে আসিল, কেন আসিল, কবে আসিল, কেহ সুনিশ্চয় করিয়া বলিতে পারেন কি ? কমিশনের পর কমি-

শন বসিয়াছে ও বসিতেছে, কিন্তু অত্যাধি ভাল করিয়া স্থির হইল না, ইহার মূল কিসে ? ইহার প্রতিকারের উপায় কি ? ঘ্যানু গর্ভর্গমেন্ট এই বিপৎপাত হইতে দেশকে উদ্ধার করিবার জন্ত কত চেষ্টাই না করিতেছেন, কিন্তু উলোর মড়কের সঙ্গে সঙ্গে সেই যে হাহাকার উঠিয়াছে, তাহার আর নিবৃত্তি নাই ! কিসে এই পাপ ব্যাধি এদেশ হইতে দূরীভূত হইবে, কেহ ঠিক করিয়া বলিতে পারিতেছেন না । কেহ বলিতেছেন, নদীর অপ্রবলতা দূর করিলেই দেশ ম্যালেরিয়া হইতে বিমুক্ত হইবে, কেহ বলিতেছেন, অরণ্যানিই ইহার মূল, কেহ বলিতেছেন, রেলপথ, কেহ বলিতেছেন অন্নকষ্ট, কেহ বলিতেছেন, ছুট্ট গ্রহ, কেহ বলিতেছেন, ছুট্টজল, যাহার যেমন প্রবৃত্তি তিনি সেইকথা বলিয়া ইহার প্রতীকারের মহুপায় স্থির করিতেছেন—কিন্তু বলিতে কষ্ট হয়.—প্রতীকার এখনও সদূরপবাহিত । মশকে ম্যালেরিয়া আনয়ন করে, মশকের ধ্বংস সাধন ইহার একমাত্র উপায়, এইমত আজ অধিকাংশ প্রাচ্য চিকিৎসা বিজ্ঞানবিৎ সমাদরে গ্রহণ করিয়াছেন বটে, কিন্তু ইহাদের অনেকেই বোধহয় জানেন না, আমাদের দেশের ম্যালেরিয়া নূতন নহে,—ইহার অতি প্রসরতা নূতন হইলেও ইহার উৎপত্তি এ দেশে বহু প্রাচীন । তখন ইহার ভিন্ন নাম ছিল,—এমন ভিন্ন নাম, যে আমাদের বহু প্রাচীন আয়ুর্বেদও সে নাম জানিতেন না । আজ কাল আবাণ বুদ্ধ বনিতা আমাদের দেশের ম্যালেরিয়া কি, তাহা জানে, কিন্তু “তক্সন্” বলিলে কি বুঝায়, তাহা কেহ বলিতে পারেন কি ? এখনকার ম্যালেরিয়া আর তখনকার তক্সন্ একই রোগ । অথর্ববেদের একটী হুত্রের আমি যে অনুবাদ করিয়াছি, তাহাতে আছে—“হে কৃচ্ছ্রজীবনকারী শীতজ্বরের উৎপাদক তক্সন্ ! তোমাকে নমস্কার ! হে শীতানন্তর সজাত জ্বর ! তোমাকে নমস্কার ! হে সজ্ঞাপ জনক জ্বর ! তোমাকে নমস্কার ! হে ঐকাহিক দ্বাহিক, ত্র্যাহিক, চাতুর্থকজ্বর ! তোমাদিগকেও নমস্কার ! এই নমস্কার দ্বারা পরিতুষ্ট হইয়া তোমরা আমাদের গায়ে ছাড়িয়া যাও !” যে হুত্রে এই কথাগুলি আছে, সে হুক্টাটও নিম্নে উদ্ধৃত হইল ।

নমঃ শীতায় তক্সনে

নমঃ ক্রুড়ায় শোচিষে কৃণোমি ॥

যো অগ্নেছ্যরুভয়ছ্যরভোতি

তৃতীয়কায়-নমো অস্ত তক্সনে ॥

সায়ম্ “তক্সনে” শব্দের অর্থ করিয়াছেন,—“কৃচ্ছ্রজীবন কারিণে রোগায়”

আয়ুর্বেদের অনেক স্থলে এইজ্বর ও জ্বর-চিকিৎসার প্রণালী বর্ণিত হইয়াছে। অথর্ববেদ যে সময়ের পুস্তক, সে সময়ে এদেশে যে ম্যালেরিয়া জ্বর ছিল, এই স্থলের মত বহু স্থলে তাহার সুস্পষ্ট প্রমাণ পরিদৃষ্ট হয়।

আয়ুর্বেদে জ্বরের উৎপত্তির কাল ও ইতিহাস যাহা বর্ণিত আছে, তাহা হইতে আমরা জানিতে পারি,—দক্ষযজ্ঞ দিব্যসেব পরই, এদেশে আটটি মহাবল ব্যাধির উৎপত্তি ঘটে—দক্ষাধ্বরের পূর্বে গুল্ম, কুষ্ঠ, প্রমেহ, উন্মাদ, অপস্মার, রক্তপিত্ত এবং জ্বর ছিল না। দক্ষযজ্ঞ ধ্বংসের সময় হইতে এই ব্যাধি কয়েকটির উৎপত্তি ঘটে। জ্বরও এই সময়ে প্রথম সমুৎপন্ন হয়।

মহর্ষি পুনর্নব্ব লিখিয়াছেন—

“ তস্মিন হি দক্ষাধ্বরোধ্বংসে দেহিনাং দিক্ষু

বিদ্রবতামতিসরণ প্লবন লজ্যনাদ্যদেহ

বিক্ষোভনৈঃ পুরা গুল্মোৎপত্তিরভূৎ।

হবিশ্রাশনাম্বেহ কুষ্ঠাশাং, ভয়োত্রাসশোচৈ

ক্লমাদানাম্ বিবিধ ভূতাণ্ডিসংস্পর্শাৎ

অপস্মারাগাম্, জ্বরস্ত খলু

মহেশ্বরললাটপ্রভবঃ; তৎসস্তাপা

ক্রান্তপিত্তম্। অতিব্যব্যাৎ

পুনর্নব্বত্রাজস্ত রাজযজ্ঞেতি। ”

“দক্ষযজ্ঞের সঙ্গে বা ইহার কিছু পরে, আয়ুর্বেদমতে জ্বরের উৎপত্তি হইলোও ইহার প্রকৃত আকার আয়ুর্বেদেব স্থলেক্ষেই ক্ষুদ্রতরভাবে চিত্রিত দেখিতে পাই। দেখি, ইহা ঐক্যিক, দ্ব্যহিক, ত্র্যাহিক ও চাতুর্থকরূপে মানবের জীবন অতিশয় ক্লান্ত করিয়া তুলে। ইহাতে প্রথম শীত করে, শীতের পর জ্বর স্পষ্ট প্রকাশ পায়। জ্বর স্পষ্ট প্রকাশ পাইলে, শরীর অস্থায়ী হয়, তা ছাড়া ঐক্যিক, দ্ব্যহিক, ত্র্যাহিক ও চাতুর্থকরূপে ইহা মুক্তাভাবকী এবং ইহার বিষ-ময় ফল এই হয়—যে, ইহাতে শরীরের রক্ত এত কমিয়া যায় যে, তাহা হরিদ্বর্ণের আকার ধারণ করে। ” অথর্ববেদের অশ্বত্থ এই হরিদ্বর্ণের কথা আছে; ঋষি বলিতেছেন, হে তস্মিন্! যদিও তুমি উষ্ণ গুণবিশিষ্ট, বাদও তুমি শরীরের সস্তাপকারী, যদিও অগ্নিতে তোমার জন্ম, তথাপি তোমার আর একটা নাম রক্ত অর্থাৎ হরিদ্বর্ণেব উৎপাদক। “ রক্তুনানাসি হরিতত্ত্ব ”

সারণ এইখানে বলিতেছেন,—“যত্বপি তে বহুনি নামানি সন্তি তথাপি ইদমেব

নাম প্রসিদ্ধ ইত্যর্থঃ । আমরা এইরূপ জ্বরের বর্ণনা পাঠ করিয়া অবশ্য মনে করিতে বাধ্য হই, যে আমাদের দেশে এখন ম্যালেরিয়া জ্বর বলিয়া যাহা সুপরিচিত, খুব কম হইলেও ৫০০০ বৎসর পূর্বে এ দেশেই তাহার উৎপত্তি, তখনও ইহা মানবের জীবন যেমন কুহু করিয়া দিত, এখনও সেইরূপ দেয়,— তবে তখনকার লোক ইহাকে তন্মন্ বলিয়া জানিত, এখন লোকে সে কথা তুলিয়া নূতন নামে ইহার নামকরণ করিয়া বলে—ম্যালেরিয়া ।

অথর্ববেদের তন্মন্ জানি না কেন আয়ুর্বেদে ঠিক এই নামেই অভি-
সংজ্ঞিত হয় নাই । আয়ুর্বেদে ঐক্যহিক, দ্ব্যহিক, ত্র্যহিক, চাতুর্থক জ্বর
সকলেই জানেন, বিষমজ্বর বলিয়া উক্ত । বিষমজ্বর বলিয়া উক্ত হইলেও,
আমরা বিশ্বাস আমরা জানি না কিষা জানিতে চেষ্টা করি না যে,
ম্যালেরিয়া ও বিষমজ্বর এক । যদি জানিতাম ম্যালেরিয়ার সহিত বিষম-
জ্বরের একতা আছে,—তাহা হইলে জ্বরের তরুণ অবস্থায় রোগীকে ডাক্তার-
রের হস্তে ছাড়িয়া দিয়া বিষমজ্বরের জ্ঞাত আমরা নিশ্চিত বসিয়া থাকি-
তাম কি ? আর এইরূপ বসিয়া থাকিতে গিয়া এ কুল ও কুল হুকুল বিস-
র্জ্বন দিয়া পল্লীগ্রামের একটি হ্যাট কোট পরা ঘোড়ায় চড়া কম্পাউণ্ডারের
অভ্যুত্থান দেখিয়া আপনাদের অঙ্গের অসংস্থান ভাবিতে ভাবিতে বিবাদে,
হিংসায়, দ্বেষায়, অভিমানে এত জজ্জরিত হইতাম কি ? আমরা বুঝিয়াছি,—
কুন্তীরের বুদ্ধিতে—বর্ষা না আসিলে মস্তোক্ষপরি উপবিষ্ট কাককে থাইতে পারিব
না; আমরা বুঝিয়াছি, কুইনাইন আটকাইলেই রোগী আমাদের হাতে আসিবে—
আমরা তাই কুইনাইন আটকান জ্বর আর বিষম জ্বর এক করিয়া ফেলিয়াছি;
করিয়া ভাবি, ম্যালেরিয়া আগে—পরে, অনেক পরে বিষম জ্বর । আগে ডাক্তার
পরে আমরা । এইরূপ পর পর করিতে গিয়া, আমরা আপনার পায়ে আপনি যে
দারুণ কুঠারাবাত করিয়াছি, তাহা আর কাহাকেও দেখাইয়া দিতে হইবে না ।
জ্বরের চিকিৎসা—তরুণ, মধ্যম, এমন কি যাহাকে আমরা বিষম জ্বর বলি, সেই
জীর্ণ জ্বরেরও চিকিৎসা আমাদের হাত হইতে বাহির হইয়া গিয়াছে । এখন
কয়েকটি যক্ষ্মা, কয়েকটি শোথ, কয়েকটি উদরাময়, হৃদশট প্রমেহ বা সামান্ত
সামান্ত আর কিছু ইহাই ভাগা ভাগি কাড়া কাড়ি করিয়া আমরা বা হু পয়সা
উপার্জন করি ! দেশের তিনভাগ বা অধিক লোক যে ব্যাধিতে অহর্নিশ
কষ্ট পাইতেছে, তাহার সংবাদ আমরা সত্য সত্যই রাখি না; রাখিলেও, কি
আক্ষেপের বিষয় ! আমরা নিজেই এমন কি নিজের ঘরের রোগী ডাক্তারের হস্তে

তুলিয় দিয়া মনে করি “আঃ বাঁচিলাম!” বর্ষা আসিলে কাককে জন্ম করিব, এই কুস্তারবুদ্ধিই আমাদের এই পরাজয়, এই জাতীয় অদমাননার মূলে দণ্ডায়মান। ম্যালেরিয়া ও বিষম জ্বর এক এই কথাটি মনে করা। এই টুকু মনে না করায় আমরা দিন দিন এ কুল ও হুল হকুল নষ্ট করিয়া কেসিতেছি। আমরা তাই আজ নিরন্ন! তাই আজ শতকরা ৯৯ জন কবিরাজের গৃহে গ্রাসাচ্ছদনের অভাব! একজন কম্পাউণ্ডার যেখানে ১০০ টাকা মাসিক হাসিতে হাসিতে উপার্জন করে, সেখানে একজন ব্যাকরণতীর্থ—কাব্যতীর্থ—সাংখ্যতীর্থ—শ্রায়তীর্থ—কবিরাজ ১৫ ২০ টাকা—তাহাও পান কি না সন্দেহ! সহরের ২৪ জন কবিরাজের সৌভাগ্যের কথা আমি বলিতেছি না, আমি বলিতেছি,—তাহাদেরই কথা বাহারা পল্লীতে পল্লীতে অধিষ্ঠিত, সচ্চবিত্ত গুণবান বিদ্বান ও ধার্মিক বলিয়া সমাদৃত,— আমি বলিতেছি, আমাদের দরিদ্র কবিরাজ মণ্ডলীর কথা।

ম্যালেরিয়াকে বিষম জ্বর বলিয়া বুঝিলে আয়ুর্বেদীয় চিকিৎসককে এমন হৃদশাগ্রস্ত হইতে হইত না। আমি দেখাইব, আয়ুর্বেদের ভিতর এমন সকল ঔষধ আছে, যাহারদ্বারা বিষমজ্বর মনে করিয়া ম্যালেরিয়ার চিকিৎসা করিলে নিশ্চয়ই জ্বরের উপর আধিপত্য লাভ করিতে পারা যায়। কিন্তু সে কথা বলিবার পূর্বে আমাকে দেখাইতে হইবে যে, ম্যালেরিয়া এবং বিষমজ্বর—এক—একই তত্ত্ব।

চরক এবং সূশ্রুতাদি প্রাচীন গ্রন্থের সাহায্যে আমি আপনাদিগকে এই সমতা বুঝাইয়া দিতে পারিব না, পারিলে আপনারা নিজেই দেখিতেন, বিষমজ্বর এবং ম্যালেরিয়া সমানার্থক শব্দ।

আয়ুর্বেদের “অরোংমুষ্টিশ্র বাপুনঃ” ইত্যাদি শ্লোকের ও ইহার টিকাটিপ্পনির প্রকৃত মর্ম্ম আপনারা ঘেঁরুপ বুঝিবেন, সেইরূপ বুঝিতে হইলে, আমাদের বহুদিন ধরিয়া আপনাদের শিষ্যত্ব গ্রহণ করিয়া থাকিতে হয়। চরক সূশ্রুতাদি গ্রন্থ করুণাময়ী বাগ্‌দেবী আপনাদিগকে বুঝিতে ঘেঁরুপ অবসর দিয়াছেন, সেরূপ অবসর আমাদের দেন নাই। সংস্কৃতভিজ্ঞতায় আমি আপনাদিগের দাসানুদাসেরও উপযুক্ত নহি। তথাপি যে আমি বলিতেছি, আমি ম্যালেরিয়া জ্বর এবং বিষমজ্বরের সমতা প্রতিপাদন করিতে পারিব, তাহা অশ্রু উপায়ে—তাহা বুঝিতে বা বিখ্যাত নহে,—যুক্তিতে, আয়ুর্বেদের তত্ত্বে নহে—পুরাণের সাহায্যে আমি যুক্তিধারা প্রতিপন্ন করিব যে, বিষম জ্বর এবং ম্যালেরিয়া একই বস্তু। কিন্তু এইরূপ প্রতিপন্ন করিবার পূর্বে দয়া করিয়া আপনাদিগকে আমার একটি

কথায় কিছুক্ষণের জন্ত মনোযোগী হইতে হইবে। আমি আয়ুর্বেদের ভূত বিজ্ঞার প্রকৃত তত্ত্ব অনুসন্ধান করিতে গিয়া বাহা বাহা পাইয়াছি আবার প্রসঙ্গ হইলেও আপনাদিগকে ধৈর্য্য ধরিয়া তাহা একটু শুনিতে হইবে। “জম্বুভূমি” নামে সুপ্রসিদ্ধ মাসিক পত্রিকায় যদিও ধারাবাহিকরূপে আমি এইসকল বিষয় লিখিয়াছি, কিন্তু হুর্ভাগ্যক্রমে তাহা আপনাদিগের দৃষ্টিপথে পতিত হয় নাই। এখানে সেইজন্ত সেইসকল কথাই পুনরায় বলিতে হইবে।

আমি সুশ্রুতের “অমানুষ প্রতিষেধ” অধ্যায় অধ্যয়ন করিবার সময়—বালগ্রহ প্রতিষেধাধ্যায়ও পাঠ করি, এবং তাহার পূর্বে উক্ত গ্রন্থের ব্রণবন্ধনাদি উপদেশ সকলও মনোযোগের সহিত প্রতীচ্য বিজ্ঞানের আলোকের সাহায্যে বুঝিতে চেষ্টা করি। এইসময়ে আমার সুদৃঢ় ধারণা জন্মে, যে আয়ুর্বেদের ভূতবিজ্ঞা প্রতীচ্যবিজ্ঞানের Bacteriology র অনুরূপ কোন তত্ত্ব। আয়ুর্বেদের ভূতভিষকোথবোগের চিকিৎসা Antiseptic চিকিৎসা ও শুচির সমাধান। আমি এইরূপ ধারণার বশবর্তী হইয়া যে দিন সুশ্রুতের যুক্তসেনীয় অধ্যায় পাঠ করি, সেই দিন দেখিতে পাই, আমাদের দেশে ধনুস্তরিয়ুগে বা তাহার কিছু পূর্ববর্তী সময়ে, রাজার স্কন্দাবাসে একজন বৈদ্য এবং একজন পুরোহিতকে একত্র রাজচিকিৎসার জন্ত অবস্থিতি করিতে হইত। পুরোহিতের কার্য্য ছিল,—দৈব ব্যাপাশ্রয় চিকিৎসা ; বৈদ্য যুক্তি ব্যাপাশ্রয় চিকিৎসার অভিজ্ঞ ছিলেন। পুরোহিত ব্রহ্মবংশীয় বলিয়া উচ্চ সম্মান তাহার ছিল, বৈদ্যকে পুরোহিতের অনুবর্তী হইয়া চিকিৎসা করিতে হইত, কিন্তু কথার ভাবে বুঝা যায়, বৈদ্যের বিদ্যাবত্তা তখন পুরোহিতের অনেক উর্দ্ধে। কেবল ব্রাহ্মেতরবংশীয় বলিয়া আভিজাত্যে বৈদ্যকে পুরোহিতের নিম্নে অবস্থিতি করিতে হইত। বৈদ্য বহুবিদ্যাসম্পন্ন বলিয়া সমুদ্রিতধ্বজের মত তখন সকলেরই ভক্তির পাত্র। সহস্র সহস্র রোগী তাহার চিকিৎসালাভার্থ সেখানে সমবেত হইতেছেন। পূর্বে বলিয়াছি, এখানে পুরোহিতের ষাটকিছু সম্মান তাহা আভিজাত্যে।

সুশ্রুতের ব্রণবিজ্ঞানাধ্যায়ে এই পুরোহিত এবং বৈজ্ঞকে পাশাপাশি সমান ভাবে ব্রণরোগীর চিকিৎসার্থ নিযুক্ত দেখি। কিন্তু যুক্তসেনীয় অধ্যায়ে দেখি, বিজ্ঞাবস্তায় বৈজ্ঞ পুরোহিত অপেক্ষা সাধারণের নিকট অধিক পূজনীয়।

তারপর কল্পস্থানে দেখি—পুরোহিতের চিকিৎসার উপর লোকে আর পূর্বের ছায়া আস্থা স্থাপন করিতে পারিতেছেন। সাপের বিষ নামাইতে পুরোহিত চেষ্টা করিতেছেন বটে, কিন্তু লোকে একজন বৈজ্ঞকে ডাকিয়া আনিয়া সেখানে

রাখিয়াছে। যদি পুরোহিতের উচ্চারণ দোষে মন্ত্র কার্যকরী না হয়, তাহা হইলে বৈষ্ণৱ তৎক্ষণাৎ অগদ প্রয়োগ করিবে। বৈষ্ণৱ বুদ্ধি প্রসূত অগদ সকলেই জানে অদ্বুতশক্তিসম্পন্ন। এইখানে পুরোহিতের অধঃগতন স্পষ্টই উপলব্ধি করা যায়।

তারপর বালরোগ প্রতিষেধ্যায় দেখি পুরোহিতের এমন অধোন্নতি ঘটয়াছে যে, তাঁহার ব্রহ্মবংশীয় হইলেও জানেন না, স্বন্দ ও স্বন্দাপস্মার বিভিন্ন কিনা। সুশ্রুত পুরোহিতকে গালি দিতেছেন, অবিজ্ঞান ধরিয়া দেহ চিস্তক বলিয়া।

ইহার পর অমালুষ প্রতিষেধাধ্যায়। এখানে কি দেখি? দেখি পুরোহিতের এমন চূর্ণদর্শা—যে তাহাকে ভূতবিষ্ণুর অধিকার হইতে দূর করিয়া দিবার জন্ত প্রস্তাবনা হইতেছে। বৈষ্ণৱ এখন নিজ হস্তে দৈব এবং যুক্তি উভয় ভেদজ প্রয়োগেরই ভার গ্রহণ করিয়াছেন; পুরোহিতের আর চিকিৎসা ক্ষেত্রে এখন না থাকিলেও চলে। বৈষ্ণৱ এখন সর্বোৎসাহী। কালের পরিবর্তনে পুরোহিতের এই পরিবর্তন যখন, তখন আয়ুর্বেদে নূতন করিয়া অনেক পরিভাষা সংগঠিত হয়। তাহার মধ্যে আমি একটিব কথা এখানে আপনাদিগকে জানাইতেছি। পূর্বে পুরোহিতদিগের সময়ে লোকে মনে করিত, দেবতার মালুষের শরীরে নিজেই আবিষ্ট হয়েন, হইয়া অমালুষ বোগ প্রসূতি উৎপাদন করেন। প্রাচীন কলিঙ্গা, প্রাচীন ব্যাবিলোনিয়া, প্রাচীন এসিরিয়া প্রাচীন ইরাণে ব্যাধির উৎপত্তি সম্বন্ধে যে বিশ্বাস বা সিদ্ধান্ত, এখানেও সেই বিশ্বাস বা সিদ্ধান্ত। কিন্তু ভারতের বিজ্ঞানক্ষেত্রে তখন বৈষ্ণৱ জাতির অভ্যুদয়ে এক নূতন আলোক প্রবিষ্ট হইয়াছে। বৈষ্ণৱ নূতন পরিভাষা পরিগঠন করিয়া আয়ুর্বেদকে বিজ্ঞানের শীর্ষস্থানে সংস্থাপন করিবার জন্ত বদ্ধপরিকর। তিনি বুঝাইতেছেন, পূর্বে যে লোকে বিশ্বাস করিত, দেবতার নিজেই মালুষের শরীরে আবিষ্ট হইয়া তাহাতে নানাবিধ ব্যাধির উৎপাদন করেন, একথা সত্য নহে। দেবতার নিজে মালুষের শরীরে আবিষ্ট হওয়া তদুৎপত্ত কথা স্পর্শও করেন না। দেবতাদিগের অযুত সহস্র পদ্ম বা অপরিসংখ্যায় পরিচারক আছে, যাহারা অস্থগ্বেসমাংসভুক এবং জিহ্বাস্থ; ইহারাই মালুষের শরীরকে অশুচি বা ক্ষতযুক্ত পাইলেই তাহাতে আবিষ্ট হয় এবং নানাবিধ ব্যাধির সৃষ্টি করে। বেদে এই সকল জিহ্বাস্থ পদার্থ “নৈঋতেয়া” বা নিঋতি বা তাহার প্রসব বলিয়া অভিহিত। কিন্তু এখন হইতে এই-

সকল জিবাংশু পদার্থের সংজ্ঞা হইল “ভূত” তা ছাড়া এ সময়ে প্রচারিত হয়, আরও একটি কথা, সে কথাটি এই যে, দেবতার। নিজে ত মানুষের শরীরে আবিষ্ট হয়েন না, তা ছাড়া তাঁহাদের যে সকল অনুচর দেবতাস্বক তাহারাও দেবপ্রকৃতিত্বহেতু মানুষের শরীরে অনুপ্রবেশ করেন না। যাহারা রাক্ষস প্রকৃতিক—নৈঋতেয়া বা তাহাদের বংশ তাহাদেরই এই ক্রম।

নিঋতে যাহা হিতর স্তাসাং স প্রসবঃ স্মৃতঃ।

ভূতের এই নূতন সংজ্ঞা করিতে গিয়া—যে সকল উপদেশ—সুশ্রুতগ্রন্থে অধ্যাহত হইয়াছে, সেই উপদেশ সকল আপনারা সুশ্রুতগ্রন্থে শ্লোকাকারে যথাযথ-ভাবে লিপিবদ্ধ দেখিতে পাইবেন। প্রবন্ধের দীর্ঘায়তন লাঘব করিবার জন্ত সে শ্লোকগুলির সকল এখানে উদ্ধৃত হইল না। কেবল মাত্র একটি শ্লোক যাহাতে আমার সব কথাগুলি কিছু কিছু প্রতিকলিত আছে, তাহাই আপনাদিগকে বিজ্ঞাপন করিতেছি— শ্লোকটি এই—

নতে মনুষ্যৈঃ সহ সংবিশন্তি

ন বা মনুষ্যান্ কচিদাবিশন্তি

যে বা সংবিশান্তীতি বদন্তি মোহাৎ

তে ভূতবিদ্যাবিসয়াদপোহাঃ।

সুতরাং বলিতে হইবে, নূতন মতে দেবতাদিগের অসংখ্য জিবাংশুপ্রকৃতিক পরিচায়কই ভূত সংজ্ঞায় অভিহিত। মার্কণ্ডেয়পুবাণ পাঠ করিলে আমরা জানিতে পারি যে এই নৈঋতেয়াগণ কি ভয়ানক অনিষ্ট জনক পদার্থ। আর জানিতে পারি যে—এই ভূত সকল ক্ষুদ্রাদপি ক্ষুদ্র—এমন ক্ষুদ্র যে চর্ম্মচক্ষের অগ্রাহ্য পদার্থ। বর্ণহা, শব্দহা, স্নেহহা, রেতোহা—ইহাদের নানা জাতি, নানাকারে বায়ুমণ্ডল পরিব্যাপ্ত করিয়া বেড়াইতেছে। যক্ষা-ঘেষী এই সকল পদার্থকে অথর্ক্বেদ “কিমিদিন” বলিয়াছেন। যাহা হউক সংক্ষেপে বলিতে গেলে, বলিতে হয়, প্রাচীন চিকিৎসাক্ষেত্রে ধ্বংসরিয়ুগে যেমন ভূতের নূতন সংজ্ঞা, নূতন পরিভাষা পরিগঠিত হয়—সেইরূপ সেই সঙ্গে দেখিতে পাওয়া যায়, প্রাচীন বৈদিক বা পুৰোহিত সম্প্রদায় চিকিৎসা ক্ষেত্রের একদিকে নিশ্চিন্ত জ্যোতিতে দণ্ডায়মান; আর এক দিকে সমুজ্জ্বল ধ্বজের মত উদীয়মান এক সম্প্রদায় আপনাদিগের প্রত্যক্ষ ও পরীক্ষার জয়পতাকা হস্তে করিয়া ও আধিপত্য ঘোষণা করিবার জন্ত বহুপরিকর। আয়ুর্বেদের গ্রন্থের মধ্যে একমাএ সুশ্রুত সংহিতায় এই নব সম্প্রদায়ের

অল্পখানের কথা স্পষ্টতঃ না হইলেও, স্থানে স্থানে ঈজিতে প্রকাশিত হইয়াছে। চরকসংহিতা কিম্বা অল্প কোন গ্রন্থে এ সকল কথা নাই। আর যেখানে আছে, সেখানেও পূর্বোক্ত শব্দের যথাযথ অর্থের পরিবর্তে তাহার বিকৃতিই উদ্ভাবিত হইয়াছে। দৃষ্টান্ত স্বরূপ ভাবপ্রকাশের কথা এখানে উল্লেখ করা যাইতে পারে—ভাব প্রকাশের টীকায় পুরোহিত শব্দের অর্থ মন্ত্রী এইরূপ স্বীকৃত হইয়াছে। সুশ্রুত সংহিতা হইতেই জানিতে পারা যায় যে ধনুস্তরি যুগে দুইটি বিভিন্ন সম্প্রদায় চিকিৎসা ক্ষেত্রে পরস্পর বিবদমান হইয়া আপনাদিগের প্রতিভার পরিচয় দিতেছিলেন।

চরক এবং সুশ্রুতসংহিতা বৈদিক গ্রন্থ। প্রাচীন ঋষিদিগের মত ইহার উভয়েই স্পষ্ট করিয়া তারস্বরে অমীমাংস্যানি অচিন্ত্যানি ইত্যাদী শব্দের দ্বারা—সন্দেহের সোপানের অতি উর্দ্ধে সংস্থাপন করিতে সর্বিশেষ প্রযত্নশীল হইয়াছেন। এইরূপ প্রযত্নশীল হইলেও, সুশ্রুত স্থাননিশেষে তাহার উদারতার পরিচয় স্বরূপ বৈদিক মতের প্রতিদ্বন্দী এই সম্প্রদায়ের অস্তিত্বের আভাস আমাদের কাছে জ্ঞাপন করিতে ক্রটি করেন নাই।

এই নবসম্প্রদায়ের নূতন প্রচাৰিত মতের উপর নির্ভর করিয়া আমি প্রতিপন্ন করিতে চেষ্টা করিব যে—বিষমজ্বর এবং ম্যালেরিয়াজ্বর একই—একই তত্ত্ব। ভূতবিশেষের সংসর্গে উভয়ই সমুৎপন্ন, এবং সেই সঙ্গে দেখাইব, আয়ুর্বেদে বিষমজ্বরের ভূতাবিষদ ধরিয়া যে সংপ্রাপ্তি প্রদত্ত হইয়াছে, তা ছাড়া বিষমজ্বরের আর একটি সম্প্রাপ্তি আছে এবং সে সম্প্রাপ্তির কথা আমাদের আয়ুর্বেদগ্রন্থে এমন অক্ষুট অস্পষ্ট এবং উপেক্ষার ভাবে লিখিত হইয়াছে, যে তাহাতে পাঠকের দৃষ্টি পড়ে কি না পড়ে।

যাহা অতি উজ্জল স্বর্ণাক্ষরে লিখিয়া রাখিবার কথা—তুল্যদণ্ডে ওজন করিলে ওজনে দ্বাদশ সহস্রী চরক সংহিতা—তথৈব সুশ্রুত সংহিতা একদিকে আর যে অর্দ্ধ শ্লোক একদিকে সমগরিমা বহন করে, সেই অর্দ্ধ শ্লোককে এমন উপেক্ষার ভাবে লিখিয়া সাধারণের দৃষ্টিপথের বহির্ভূত করিয়া রাখায় যে ক্ষতি হইয়াছে, সে ক্ষতির আর কি পূরণ আছে? আয়ুর্বেদ আজ যে প্রতীচ্য বিজ্ঞানের সংঘর্ষে এতাদৃশ লাঞ্চিত অপমানিত ও পরাজিত—আয়ুর্বেদোপজীবী চিকিৎসকগণ আজ যে ছরবস্তাপন্ন—দুর্বল ও নিস্তেজ আমার মনে হয়, ঐ শ্লোকটিকে যথোপযুক্ত আকারে প্রকটিত হইতে না দেওয়াই তাহার কারণ। এই শ্লোকটি কি তাহা জানিবার জন্য আপ-

নাদের কৌতুহল হইতেছে ; কিন্তু সেই চরণটি এখানে আবৃত্তি করিবার পূর্বে আমি বলিতে চাই—

আয়ুর্বেদে বিষমজ্বর ও ম্যালেরিয়া জ্বর একই তত্ত্ব ।

যাঁহারা চরক সূত্রাদি প্রাচীন আয়ুর্বেদগ্রন্থ মনোযোগের সহিত অধ্যয়ন করিয়াছেন, তাঁহারা অবশ্য লক্ষ্য করিয়া থাকিবেন, জ্বরের উৎপত্তি কথায় প্রাচীন ঋষিদিগের মত অগ্রাহ্য করিয়া “কেচিং” শব্দে অভিসংজ্ঞিত একদল লোক—তাহাদের নিজের মত প্রচার করিবার জন্ত যত্নশীল। এই “কেচিং” শব্দাভিসংজ্ঞিত ব্যক্তিগণের নাম যদিও আমরা ভাল করিয়া অতাবধি জানিতে পারি নাই, তথাপি আমরা ইহার কতকটা আভাস যে না দিতে পারি এমন নহে। ডল্লনের নিবন্ধ সংগ্রহের এক স্থানে লেখা আছে —

“ইদানীং ভেড় ভালুকি

পুঙ্কলবাণাদিনাং অল্পতন্ত্রবিদাং

মতেন বিষমজ্বরোৎপত্তিমাভিধায় ইত্যাদি।

এই লেখাটুকুর উপর নির্ভর করিয়া আমরা বলিতে সাহসী হই যে, আয়ুর্বেদে জ্বরোৎপত্তির স্থত্রে “কেচিং” শব্দাভিসংজ্ঞিত ব্যক্তিগণের মধ্যে পূর্ব-কথিত ভেল, ভালুকি, বাণ পুঙ্কলাবত প্রভৃতি যে সকল খ্যাতনামা চিকিৎসক বিद्यমান ছিলেন, তাঁহারা প্রচার করিতে ছিলেন, অহিত সমুখ বিষমজ্বর এই বৈদিক মতের বিরুদ্ধে যে বিষমজ্বর “ভূতাভিষঙ্গোথ”

“কেচিং ভূতাভিষঙ্গোথং ক্রবতে বিষমজ্বরম ॥”

যদিও এই শ্লোকের ভাবমিশ্রাদির অনুবাদক কেহ কেহ অর্থ করিয়াছেন, “ভূতাভিষঙ্গোথ জ্বরকে কেহ কেহ বিষম জ্বর বলেন,” কিন্তু প্রাধান্য করিয়া দেখিলে, ইহার অর্থ এইরূপ না হইয়া এইরূপ হওয়াই উচিত, যে, “কেহ কেহ কেহ বলেন, বিষম জ্বর ভূতাভিষঙ্গোথ।”

মাধব তাঁহার জরনিদানে বিষমজ্বরের উৎপত্তি প্রসঙ্গে এই শ্লোকোক্তি অধ্যাক্ষত করিয়াছেন। মূল গ্রন্থ সূত্রতেও এই শ্লোকোক্তি বিষম জ্বরের প্রকরণেই পরিপণ্ডিত হইয়াছে। ডল্লনের নিবন্ধ সংগ্রহেও এই শ্লোকের ব্যাখ্যায় লেখা আছে,

“বিষমজ্বরে ভূতাদি হেতুরুক্তঃ

তস্য সমর্থনমাহ আগন্তুরিত্যাদি ।”

তা ছাড়া বিজয় তাঁহার মধুকোষে লিখিয়াছেন—

“কেচিদিভ্যাতি—

পরবচনমপ্রতিষিদ্ধমনুমতং

সুশ্রুতেন।—

অতএব বিষমজ্বরে দৈবাশ্রয়ং বলিহোমাদি ভূতোচিতং যুক্তিব্যব্যাপপাশ্রয়ং কষায় পাচনাদি দোষোচিতং বিধিয়তে।”

যদিও উক্ত এই মতাবলম্বিব্যক্তিদিগকে অল্প তত্ত্ববিদ বলিয়া উপেক্ষা করিয়াছেন, কিন্তু বিজয়ের কথার ভাবে আমরা বুঝিতে পারি, এই মত অপ্রতিষিদ্ধ হইলেও উপেক্ষণীয় নহে, কেন না—

“অনুমতং সুশ্রুতেন”

সুশ্রুত যখন এই মত নিজ গ্রন্থে উদ্ধৃত করিয়াছেন, তখন বলিতে হইবে, প্রকারান্তরে তিনিও ইহার, সম্পূর্ণ না হইলেও কথঞ্চিৎ পক্ষপাতী।

বিষমজ্বর অহিত সম্ভূত প্রাচীন ঋষিদিগের এই বিশ্বাস। নূতন সম্প্রদায় বলিতেছিলেন, না তাহা নহে— বিষম জ্বর ভূতাভিষেকোৎপাদক। যদি এই শেষোক্ত মত সুশ্রুতের অনুমতই হয়, তাহা হইলে আমাদের সকলকে স্বীকার করিতে হইবে,— ধনুস্তরির যুগে এদেশে বিষমজ্বরের উৎপত্তির প্রসঙ্গেও দুইটি প্রতিদ্বন্দ্বী মত বিদ্যমান ছিল। এক সম্প্রদায় বলিতেছিলেন “অপথ্য বিষম জ্বর আনয়ন করে,” আর এক সম্প্রদায় বলিতেছিলেন যে, ভূতাভিষেকই বিষম জ্বর সমুৎপন্ন হয়। যাহারা এই শেষোক্ত মতের পরিপোষক, তাহারা যে অল্প তত্ত্ববিদ,— ঠিক একথা বলিতে পারা যায় না; তবে বলিতে পারা যায়, যে তাহারা এই নূতন মত প্রচারে বদ্ধপরিকর হইলেও, ধনুস্তরির যুগে এ অভিনব উপদেশ বেদ বিরুদ্ধ বলিয়া তেমন প্রসিদ্ধি ও প্রসরতা লাভ করিতে সমর্থ হয় নাই। ইহা চিকিৎসা ক্ষেত্রে অপ্রতিষিদ্ধ বলিয়া কতক পরিমাণে উপেক্ষিত হইতেছিল।

বৈদিক ঋষিদিগের কথার উপর কথা কহিবার সে সময় নহে, তথাপিও যে কথা উঠিয়াছিল, তাহাতেই আমাদের মনে করিবার বিশেষ কারণ আছে যে, এই নবীন বিজ্ঞানবিদগণ এমন কোন অকাটা প্রমাণ সংগ্রহ করিতে সমর্থ হইয়াছিলেন, যাহাতে তাহারা লোকের চক্ষুতে অঙ্গুলি দিয়া দেখাইতে পারিতেন যে,— বিষম জ্বর সত্য সত্যই ভূতাভিষেকোৎপাদক।

বৈদিক ঋষি বাক্য দুইটি জিনিষকে ভয় করে, প্রথম প্রত্যক্ষ, দ্বিতীয় ভগবান্ শ্রীকৃষ্ণের বাক্য। বেদকে লও ভণ্ড করিয়া সত্যে প্রতিষ্ঠিত করিতে শ্রীকৃষ্ণের অবতার। ইঙ্গপূজা বহিত করিয়া শ্রীকৃষ্ণ আপনার ভগবৎ দৃঢ় ভিত্তিতে সংস্থা-

পন করেন, বোধ হয় পণ্ডিতমণ্ডলীর মধ্যে সে কথা নূতন করিয়া তুলিবার প্রয়োজন নাই। তবে একটি কথা বলিয়া রাখি, যে ভগবান ঐকৃষ্ণ প্রত্যক্ষবাদী,—তিনি দর্শনকে আপনার চক্র স্বরূপ সাদরে গ্রহণ করিয়া অপ্রত্যক্ষ কার্মনিক বৈদিকবাদের উপর জয় লাভ করিয়াছিলেন।

তিনি প্রত্যক্ষের দেবতা—প্রত্যক্ষের পূজক, প্রত্যক্ষের উপর আপনার ধর্ম কর্ম সমস্ত সংস্থাপন করিয়া জয়যুক্ত।

তেড়, ভালুকি, বাণ, পুস্তলাবত নবসম্প্রদায়ের জয় পতাকা হস্তে করিয়া দণ্ডায়মান হইলেও বিষমজ্বর যে ভূতাত্ত্বিকোপ, এ মত ভগবান ঐকৃষ্ণের নিজের! তিনিই এই অভিনব মত প্রচার করিয়া, আমরা বলি—কেবল ভারতে কেন, সমস্ত জগতের মহোপকার সাধন করিয়া গিয়াছেন। আধ্যাদেশে আধ্যাজাতীর যে কিছু গৌরব—তাহা গীতার উপদেষ্টা এই পরম পুরুষের! আমি যে এ সকল কথা বলিতেছি, ইহা আমার স্বকপোলকল্পিত নহে; যদিও শুনিতে উপস্থাসের মত বোধ হইতেছে, কিন্তু আমি এখনই প্রমাণ দিয়া দেখাইব যে, আমি বাহা বলিতেছি, তাহা সত্য—অতি সত্য অতিরঞ্জিত বলিয়া ইহাতে বিশ্বাসের অযোগ্য কিছুই নাই।

আয়ুর্বেদের শিক্ষা এখন যে স্রোত পথে প্রবাহিত, তাহাতে এসকল কথার কোন সন্ধান পাওয়া যায় না বটে, কিন্তু যাহারা আয়ুর্বেদের শিক্ষা কেবল চরক এবং সুশ্রুতের ক্ষুদ্র গভীর ভিতর সীমাবদ্ধ না করিয়া, বেদ পুবাণাদি গ্রন্থকেও আয়ুর্বেদ বিদ্যার্থীর অবশ্য জ্ঞাতব্য বিষয় বলিয়া অনুভব করিয়া, ঐ সকল পুস্তক সম্বন্ধে পাঠ করিতে ব্যাকুল হন, তাহারা অবশ্য বলিলেই বুঝিবেন, জ্বর—শিবজ্বর ও বৈষ্ণবজ্বর ভেদে দ্বিবিধ। মাধবনিদানে জ্বরের প্রাণ্ডুপত্তি কথার যে দৃষ্টান্তসমূহ সংক্ৰান্ত রুদ্র নিখাস্ত সম্ভব অষ্টধা জ্বরের উল্লেখ আছে, তাহার প্রকৃত অর্থ এ নহে, যে জ্বর শিবের নিখাস হইতেই সমুৎপন্ন, ইহার অর্থ এক কথায় “শিবজ্বর অষ্টধা।” সংক্ৰান্ত রুদ্রের প্রতাপ নিখাস হইতেই জ্বরের উৎপত্তি, এ কথা মাগ্ন করিলে, যেখানে ললাট হইতে, তৃতীয় চক্ষু হইতে জ্বরের উৎপত্তির উল্লেখ আছে, সেখানে মত ভেদের সামঞ্জস্য করিতে চেষ্টা করিলে, বলিতে হইবে, সংস্কৃত ভাষায় নিখাস ললাট, তৃতীয় চক্ষু, সমানার্থক শব্দ। ফলতঃ যেখানে হইতেই জ্বরের উৎপত্তি হউক না কেন এজর যে শিবজ্বর,—তদ্বিষয়ে কোন মতবৈধ বা সন্দেহ নাই; এবং ইহা যে শিবজ্বর তাহার প্রমাণও বেশী ক্লেশ সাহিতে হইবে না, শব্দ-

কল্পদ্রুম অভিধামেই অপনারা প্রাপ্ত হইবেন। তাহাতে মাধবের জ্বর নিদানই উদ্ধৃত হইয়াছে বটে, কিন্তু প্রথমেই লেখা আছে, “শিবজরোৎপত্তিমাহ।”

আয়ুর্বেদের চিকিৎসার অধিকৃত ঘে জ্বর—সে জ্বর শিবজর,—বৈষ্ণব জ্বর নহে। ভগবান্ শ্রীকৃষ্ণ এই সমাচার জগতে প্রথম প্রচার করেন। তিনি ভ্রাতার শরীরে, নিজের শরীরে,—নিজের সৈন্যদলের প্রত্যেকের শরীরে,—এমন কি পশু, পক্ষী, কীট পতঙ্গ, তরু গুল্ম, ভূমি, জল প্রত্যেকের উপর একে একে পরীক্ষা করিয়া জ্বরের উৎপত্তি সম্বন্ধে যে মীমাংসায় উপনীত হন, ব্রহ্মবৈবর্ত, হরিবংশ প্রভৃতি। ভারতের পুরাণের অধ্যায়ের পর অধ্যায়, সেই কথায় পরিপূর্ণ। দেখিতে চাহেন ত আমি আপনাদিগকে তাহা দেখাইতে পারি, আর এত না দেখিতে পারেন, কেবল শব্দকল্পদ্রুম অভিধানখানি একবার খুলিলেই দেখিতে পাইবেন, আমি যাহা বলিতেছি, তাহা সত্য কি না! শব্দকল্পদ্রুমে, ব্রহ্মবৈবর্ত পুরাণ এবং হরিবংশ হইতে যে কয়েকটি শ্লোক প্রমাণ স্বরূপ উদ্ধৃত হইয়াছে, তাহাতে আছে;—

১। জ্বর—বৈষ্ণবজ্বর ও শিবজ্বরভেদে দ্বিবিধ।

২। শিবজ্বর এবং বৈষ্ণবজ্বরে মহা যুদ্ধ ঘটে, সেই যুদ্ধে শিবজ্বর বৈষ্ণবজ্বরের নিকট পরাজিত হয়।

৩। পরাজিত হইয়া, শিবজ্বর ভগবানের শরণাপন্ন হইয়া। প্রার্থনা করে যে, এখন হইতে জগতে শিবজ্বরই যেন এক মাত্র জ্বর রূপে আধিপত্য করিতে পারে।

৪। ভগবান্ তথাস্তু বলিয়া বরদান করেন।

৫। বৈষ্ণবজ্বর মহাবলবান্ ও সমর বিজয়ী হইলেও ভগবানের আদেশে তাহা তাঁহার শরীরে প্রবেশ করে, শিবজ্বর জগতে আধিপত্য প্রাপ্ত হয়, কিন্তু—

৬। ভগবান্ শরণাগত শিবজ্বরের সহিত এই সন্ধ করেন যে, একমাত্র ভূমিই এখন হইতে জগতে আধিপত্য লাভ করিবে বটে, কিন্তু একটি কথা তোমাকে পালন করিতে হইবে,—কথাটি এই যে, মানব দেহে প্রবেশ করিতে হইলে তোমাকে কেবলমাত্র

সন্তত, অন্তেহ্যঃ

তৃতীয়ক এবং

চতুর্থক

জ্বর রূপে প্রবেশ করিতে হইবে, অর্থাৎ প্রাচীন বৈদিক ঋষিরা যাহাকে,

বিষম জ্বর বলিয়া থাকেন, সেই বিষম জ্বরের আকারে তোমাকে আকারিত হইয়া মনুষ্য দেহ অধিকার করিতে হইবে। অন্যবিধ আকারে মনুষ্য দেহে তুমি প্রবিষ্ট হইতে পারিবে না।

পত্র পুষ্প ফলে, গোমহিষাদি পশুতে কিম্বা বিপদ পক্ষীতে, জলে, ভূমিতে, তুমি প্রবেশ করিতে পারিবে নানাকারে, কিন্তু মানব শব্দে প্রবেশ করিতে হইলে— তোমাকে একমাত্র বিষমজ্বরের আকারে আকারিত হইয়া প্রবেশ করিতে হইবে।

কথাগুলি শুনিয়া হয়ত আপনারা প্রমাণের জন্ত ইহার পরিপোষক শ্লোক-গুলি শুনিতে ব্যাকুল হইতেছেন, আমি সে ব্যাকুলতা বুঝিয়াও যদি শ্লোক-গুলি এখানে আবৃত্তি না কবি, আপনারা আমাকে ক্ষমা করিবেন,— বিশেষ কারণ আছে, আপনারা দয়া করিয়া শ্লোকগুলি নিজেই একবার পাঠ করিবেন।

মূল শ্লোকগুলি এখানে উদ্ধৃত করিতে অসমর্থ হইলেও ৬ কালিপ্রসন্ন সিংহ প্রভৃতি মহোদয়গণ তাহার যে অনুবাদ পুস্তক মুদ্রাঙ্কিত করিয়াছেন, আমি সত্য সত্যই বলিতেছি, তাহাতে আমি যে সকল কথা বলিয়াছি, অবিকল তাহাই আছে। এখন যদি দয়া করিয়া আপনারা স্বীকার করিয়া লয়েন যে, জ্বর শিবজ্বর ও বৈষ্ণবজ্বর ভেদে দ্বিবিধ, আর একমাত্র বিষমজ্বরই ভগবানের আদেশে মানব দেহে আধিপত্য লাভ করিয়াছে, তাহা হইলে আপনাদিগকে বাধ্য হইয়া স্বীকার করিতে হইবে,— জ্বর মাত্রেই—

ভগবান শ্রীকৃষ্ণের মতে

বিষমজ্বর—

এবং সততকাদি ভেদে ইহা

পঞ্চবিধ।

আর শিবজ্বর বলিয়া ইহার নিশ্চয়ই

যে ভূতাত্ত্বিকোথ

ভগবানকে এ কথা বলিয়া দিতে হয় নাই। চরকে জ্বরের উৎপত্তির ইতিহাসে ঠিক এ কথা স্পষ্ট না থাকুক, ইহার টীকায় সুপ্রসিদ্ধ কবিরাজ গঙ্গাধর তাঁহার অদ্বিতীয় প্রতিভার সাহায্যে একথা আমাদিগকে স্পষ্ট করিয়া বলিতে বিম্বৃত হইয়েন নাই। তিনি তাঁহার “জলকল্লতরুতে” লিখিয়াছেন—

শিবস্যেত্যাদি— ততো ভূতানাং শিবায়

শৌবভাষোহুতং শিবং জ্ঞায়া কৃত্য।

জলিঃ সন্ ক্রোধামিবালো বীর

ভদ্রোদেবঃ শিবমুক্তবানহং তে ভব

কিং করবাণি ।

তমিত্যাদি—তং ক্রোধং ক্রোধামি

রূপং বালমীশ্বরঃ শিব উবাচ ।

অং লোকে অরো ভাবম্বসি ।

শিবানুচর যে ভূতযোনি তদ্বিষয়ে হিন্দু মাত্রের আবালবৃদ্ধবনিতা, কি পণ্ডিত কি মুর্থ, সকলেই সম্যক অভিজ্ঞ। তবে এখানে একটি কথা নিবেদন করিবার আছে ; পূর্বে বলিয়াছি, দেবতার অনুচর বলিয়া শিবানুচর নিজে মনুষ্য দেহে আবিষ্ট হয়েন না। প্রাচীন পুরোহিতগণ বিশ্বাস করিতেন বটে, যে দেবতা ও দেবতাদিগের অনুচর সকল মনুষ্যদেহে আবিষ্ট হয়, কিন্তু ধ্বস্ত্রি নূতন সিদ্ধান্ত এই হয় যে, যেসকল অনুচর দেবতাত্মক, তাঁহারা নিজে মনুষ্য শরীর স্পর্শ করেন না, তাঁহাদের অযুক্তকোটিপদ্ম সংখ্যক পরিচারক আছে, অসংখ্যসংখ্যক লোকে তাহারাই মনুষ্য দেহে আবিষ্ট হয় ; জিহাংসু প্রকৃতিক ইহারা তেবাংগ্রহানাং পরিচারক। যে কোটিসহস্রযুতপদ্মাসংখ্যা অসংখ্যসংখ্যক সত্তা নিশাবিহারী তমাবিশ্যাস্ত বেদে ইহারা নৈঋতেয়া বলিয়া বর্ণিত ; কিন্তু আয়ুর্বেদ নূতন সংজ্ঞায় ইহাদিগকে “ভূত” এই আখ্যা প্রদান করিয়াছেন। ফলতঃ ভূত বলিতে ভগবান্ ধ্বস্ত্রি আমাদের যে উপদেশ দিয়াছেন, তাহাতে আমরা বুঝিয়াছি— উদ্ভিজ্জাত বা জীবাত্ম কিম্বা অদৃশ্য ও দৃশ্য স্থল ও সূক্ষ্ম কৃমি বিশেষ, মাছি, মশা, চিল, শকুন, কুকুর, ছাগ, শূকর, গর্ভভাদি পশু, পক্ষী, কীট ও এই ভূতসংজ্ঞায় অভিধেয়। মার্কণ্ডেয় পুরাণে এই “নৈঋতেয়াগণের” কথাই প্রসঙ্গে আমরা দেখিয়াছি, কুসুম ফুলের বর্ণ, ছত্বেয় স্নেহ, শস্যের সার রসঃ এবং রेत হইতে তাহার বীজ বাহারা অপহরণ করে, তাহারাও ভূত ; এবং “যুকা, লিখ্যা” তাহারাও ভূত। তালপ্রাংগু মহাভূজ কোটরগত চক্ষু অনুনাসিক কণ্ঠস্বর না হইলে যে ভূত হইবেনা, এমন কোন অর্থ নাই। বর্তমান আয়ুর্বেদীয় চিকিৎসকগণের মনগড়া ভূতের সহিত আয়ুর্বেদ বিজ্ঞানের প্রত্যক্ষীকৃত ভূতের কোন মিল নাই। মিল নাই তাহার কারণ আমাদের দোষ ; আমরা দর্শন বা বিজ্ঞান, প্রত্যক্ষের দিক হইতে না দেখিয়া, অপ্রত্যক্ষ অনুমানের দিক হইতে দেখিতে চাই, এবং এই দেখার দোষে চালুনিরদ্বার চালিয়া পরিমার্জিত। ক্রমশঃ

করা সাধবীলক্ষী ও শ্রীসম্পন্ন সংস্কৃত শব্দেব এমন অর্থ করিয়া বসি যে, বিজ্ঞান তাহা শুনিয়া হাসে ; এবং আমাদিগকে, “কোয়াক্” বা হাতুড়ে বলিয়া গালি দেয়।

আয়ুর্বেদের ভূতবিজ্ঞা বড় উচ্চদেবের বস্তু। প্রত্যক্ষের পতাকা ইহার শীর্ষদেশে স্থাপিত করিয়া দণ্ডায়মান। এই ভূতবিজ্ঞার সমুন্নত বিজ্ঞানক্ষেত্রে দাঁড়াইয়া ভগবান শৈশব অবস্থায় জগতের সমক্ষে প্রচার করিতে চেষ্টা করেন, পুতনা অহিপুতনা প্রভৃতি বালরোগ ভূতভিষঙ্গোথ। যৌবনে প্রত্যক্ষের জন্ম পতাকা হস্তে করিয়া ভূতযোনি লইয়া একে একে

উষ্ণরক্ত

১। ঘোটক	৬। হস্তী	১১। পত্র	১৬। পক্ষত
২। উষ্ট্র	৭। ব্যাঘ্র	১২। ফুল	
৩। গন্ধভ	৮। ময়ূব এবং শীতরক্ত	১৩। ফল	
৪। মহিষ	৯। সপ	১৪। ভূমি	
৫। গো	১০। বৃক্ষ	১৫। জল	

প্রভৃতি প্রতি বস্তুর উপর পরীক্ষা করিয়া প্রমাণ করেন,

জ্বরের ভূতগু

[ত্রিপাদ, ত্রিশিরা, যড়ভুজ, নবলোচন, ভঙ্গপ্রহরণ এবং

(সম্ভবতঃ Colourdel plate-এ)

বৈয়াসচন্দ্রবসন ।

তারপর নিজদেহেও পরীক্ষা করিয়া স্থির করেন, ইহা সর্বত্রই সম্ভাপ লক্ষণ হইলেও মানবদেহে শীতজ্বর এবং উষ্ণজ্বর ভেদে দ্বিবিধ আকারে প্রকাশিত হয়, ও বিষমজ্বরের আকার ধারণ করে। অবিরাম ও সবিরাম জ্বরমাত্রই স্থিরীকৃত হয়, যে তাহা ভূতভিষঙ্গোথ এবং বিষমজ্বর।

পূর্বে বৈদিক প্রাচীন ঋষিদিগের জ্বরের নিদান পূর্বকাসংপ্রাপ্তি ছিল,—

মিথ্যাহারবিহার ও

বাণাদি দোষ;

উাহারের জ্বরের বিভাগ ছিল,

পৃথক্—

জন

সম্প্রতিপাতিক এবং

আগন্তুক ।

চিকিৎসা ছিল,—রক্তমোক্ষণ বমন ও বিরেচন প্রভৃতি পঞ্চকর্ম । তাঁহাদের যাহা যাহা ছিল, এদেশে ব্রিটিশ গভর্ণমেন্টের আধিপত্য বিস্তারের প্রারম্ভে ডাক্তারী হাসপাতালেও ঠিক তাহাই ছিল । এক মাসে জেনারাল হাসপাতালে,—আমার ঠিক মনে নাই, প্রায় ১০ হাজার গ্রেণ কি অধিক কালোমেল খবচ হয়, জ্বর চিকিৎসায় কেবল বিরেচনার্থ । তা ছাড়া রক্তমোক্ষণ তাহারও সীমা ছিল না ।

বমন, চিকিৎসার অন্যতম প্রধান অঙ্গ ছিল । তাঁহাদেরও ধারণা ছিল, দুর্জ্বল বা আর কিছু এদেশের জ্ববাৎপত্তির মূলে দণ্ডাধীন । ভাবপ্রকাশে যে দুর্জ্বল জ্ঞানত অব্যব কথা আছে, মনে হয়, ইহা এই প্রাচীন প্রতীচ্য চিকিৎসা বিজ্ঞানবিদগণের নিকট হইতে ধার করা ।

বেশাদিনের কথা নহে, “কোয়েনেব” পুরাতন “ডিকসানারী অফ মেডিসিনে” দেখিবেন, ম্যালেরিয়ার ভূতাত্ত্বিকোথ লইয়া কত রঙ্গ রস চলিয়াছে, এমন কি আমরা যখন মেডিকেল কলেজ হইতে পাশ করি, তখনও এই ভূতাত্ত্বিকোথের কথা ভাণরূপে প্রচারিত হয় নাই । কিন্তু আজ কি দেখিতেছেন, দেখিতেছেন বিজ্ঞান নবোদয় শীর্ষ দেশে ভূতাত্ত্বিক জয় পতাকা হস্তে দণ্ডাধীন ।

জ্বর, বিসর্প, হান, অপস্মার, প্রবাহিকা, উপদংশ
বম্বা, বম্বাটিক, বসন্ত, ধূতিকা, গ্রহণী, প্রমেহ

সব এক গোড়ে গোড় । ভূতাত্ত্বিকোথের গভীর ছন্ধারে বিজ্ঞানের রঙ্গমঞ্চ আজ প্রকল্পিত । কিন্তু একটু প্রতিদান করিয়া দেখুন, খুব কম হইলেও পাঁচ সহস্র বৎসর পূর্বে এই ভারতে এমন এক অসাধারণ ধীসম্পন্ন মহানুভব ব্যক্তি অভূতখিত হইয়াছিলেন, যাহার অমিত প্রতিভায় প্রতিবিস্তৃত হইয়াছিল,—এদেশের জ্বর নামেই ভূতাত্ত্বিকোথ ।

“কোয়েনেব” শব্দে অভিহিত এই দল, তাই বলিয়াছি, কেবল ভেড় ভালুকী নাম পুঙ্খলাবতকে লইয়া পর্যাবসিত হয় নাই । এই দলের নেতা যিনি—এই মতের সংস্থাপক যিনি—তিনি অত্যাশা গুণে যেমন ভূবন বিজয়ী, তেমনি দর্শনও বিজ্ঞানের দিক দিয়াও ভূবন বিজয়ী । ভগবান্ শ্রীকৃষ্ণ যাহা বলিয়া গিয়াছেন, তাহাতে বিষমজ্বর ও ম্যালেরিয়া জ্বর একই কথা । আয়ুর্বেদের জ্বর, চরক সূত্রত না বলিলেও, আমরা আমাদের ইহকাল পরকালের নিয়ন্তা ঐ শ্রাম স্নিগ্ধ জ্যোতির

প্রতি চাঙ্কিয়া বলিতে পারি, বিষমজ্বর বর্ণে বর্ণে ম্যালেরিয়া জ্বরেরই সংবাদ। ইহার সংখ্যা সংপ্রাপ্তি, ইহার নিদান, ইহার উপশয়, ইহার চিকিৎসা, ইহার উৎপত্তির ইতিহাস,—

ম্যালেরিয়ারই ইতিহাস,
ম্যালেরিয়ারই সংখ্যা,
ম্যালেরিয়ারই সংপ্রাপ্তি,
ম্যালেরিয়ারই নিদান,
ম্যালেরিয়ারই চিকিৎসা।

আমরা ভুলক্রমে বুঝি, জ্বর অষ্টধা—পৃথক্, দ্বন্দ, সন্নিপাত ও আগন্তুক। ভিন্ন ভিন্ন দিক দিয়া দেখিলে একরূপ দেখা যায়, সত্য, কিন্তু মূল বিভাগ যাহা, তাহাতে বলে, জ্বর বিষমজ্বর, আর বিষমজ্বর যাহা তাহা

সন্ততক
সততক
অনোদ্যাক
তৃতীয়ক এবং
চতুর্থক রূপেই দণ্ডায়মান ;

আর তাহারই বিভাগ—

অষ্টধা
সপ্তধা
পঞ্চধা
দ্বিবিধ
ত্রিবিধ
চতুর্বিধ।

মাধবের অষ্টধা বিভাগ প্রথমেই না পড়িয়া, যদি আমরা চরকের বিজ্ঞান স্মৃতি আগে পড়িতাম, তাহা হইলে, জ্বর চিকিৎসায় ডাক্তারেরা যে আমাদিগকে আজ কোণ চেষ্টা করিয়া অন্ন বস্ত্রের কাঙ্গাল করিয়া তুলিতেছেন, তাহা পারিতেন কি ? জ্বরচিকিৎসা যে আমাদের হাত হইতে একরূপ বাহির হইয়া গিয়াছে, কথায় কথায় যে ইহার জন্ত এদেশের লোক ডাক্তার খুজিয়া বেড়ায়, ভগবান্ শ্রীকৃষ্ণকে অন্নতন্ত্রবিদ্ বজ্রিয়া গালি দিয়া তাহারই পাপের প্রায়শ্চিত্তে আমাদের এই শান্তি!

এই ছদ্মশা ঘটয়াছে। এই পাণের প্রায়শ্চিত্তের যে শেষ নাই, তাহা নহে। এখন হইতে আমাদেরকে জ্বর চিকিৎসা এমনভাবে করিতে হইবে, যাহাতে আমরা বিস্থিত না হই, সেই দেববাক্য সেই— দেবকথা, যাহাতে লেখা আছে—

“কৃষ্ণ কহিলেন, জ্বর যে ব্যক্তি ভক্তিপূর্বক আমাকে প্রণাম করিয়া, এই সমরপ্রকটিত তোমার ও আমার পরাক্রম বিষয় পাঠ করিবে, সে ব্যক্তি বিগত জ্বর হইবে।”

ফলকথা বিগতজ্বর হইতে হইলে, ভগবানের পরিকল্পিত এই জ্বর নিবরণ আমাদের সকলের পাঠ করা উচিত। আয়ুর্বেদেব জ্বর চিকিৎসা; ভগবানের নিকট প্রার্থনা করি, এখন হইতে তাঁহাব প্রদর্শিত পথে পবিচালিত হউক! যাহাতে ভূতাভিষঙ্গ নিবারিত হয়, তাহাব চেষ্টা আমাদের জ্বর চিকিৎসাব প্রথমে হউক! মধ্যে হউক! এখন হইতে সর্বাগ্রে ইহাব সন্যাস করিতে হইবে।

শুধু চিকিৎসায় নহে, আমাদের অধ্যয়নে যেন আমরা বৃত্তিতে পারি—

জ্বর পঞ্চবিধ

যথা— সন্ততক

সততক

অন্যেত্যক

তৃতীয়ক এবং

চতুর্থক, কিম্বা ইহাদেব বিগর্ভক।

বিধিভেদে দ্বিবিধ— যথা

শারীর	কিম্বা	মানস
সৌম্য	"	আশ্রয়
আয়ুর্কর্ষণ	"	সহির্কর্ষণ
সাম	"	নিবাহ
সাধা	"	অসাধা

সাপ্তিভেদে ত্রিবিধ— যথা

তরুণ

মধ্য

জীর্ণ।

সাধ্যসাধ্যভেদে চতুর্বিধ— যথা

মৃতসাধ্য

কৃচ্ছ্রসাধ্য

যাপ্য

অসাধ্য ।

যাতু বিশেষের আশ্রয়ভেদে সপ্তবিধ— যথা

বসন্ত

রক্তস্র

মাংসস্র

মেদস্র

মল্কাস্থিত

অস্থিগত

শুকগত

এবং ভিন্নকারণ ভেদে অষ্টবিধ— যথা

বাতিক

পৈত্তিক

শ্লেষ্মিক

বাত পৈত্তিক

বাত শ্লেষ্মিক

পিত্ত শ্লেষ্মিক

সান্নিপাতিক ও

আগন্তুজ ।

অর্থাৎ প্রথম বিভাগ বিষমজ্বর ধরিয়া ; তাহাব পর তাহাব উপর অপরাপর বিভাগ । মূলে জরকে বিষম জর বলিয়া ধরিয়া লইতে হইবে । তার পর সাধ্য ও অসাধ্যের কথা, বাতিক পৈত্তিকের কথা, অন্তর্কর্ষণ বহির্কর্ষণের কথা, শীত উষ্ণের কথা, রসস্র রক্তস্রের কথা । মূলে জরকে পৃথক, দন্দ, সান্নিপাতিক ধরিয়া থেই হারাইয়া, পরে বিষমজ্বর বলা আয়ুর্বেদের মতে ঠিক না হইলেও, পৌরাণিক মতে ভ্রান্তি । ভ্রান্তি না হইলে, কবিরাজদিগকে জ্বর চিকিৎসায় এমন করিয়া পরাজয় মানিতে হইবে কেন ?

তাই বলিতেছি, এখন হইতে মাধবনিদানে জ্বাধায়ায় “দক্ষাপমান সংক্রদ্ধ” প্রথমে না পড়িয়া, তাহার স্থলে, পরিপঠিত হউক —

“দ্বিবিধো বিধিভেদেন জ্বাঃ শারীর মানসাঃ ।

পুনশ্চ দ্বিবিধো দৃষ্টঃ সৌম্যাশ্চাশ্বেষ এবচ ॥

অন্তর্বেগো বহির্বেগো দ্বিবিধ পুনরুচ্যতে ।

প্রাকৃত বৈকৃতশ্চৈব, সাধাশ্চাসাধা এবচ ॥

পুনঃ পঞ্চবিধো দৃষ্টঃ দোষকালবলাবলাং ।

সম্বতঃ সত্যোহন্তোহ্য তৃতীয়ক চতুর্থকৌ ॥

পুননবায়শ্চভেদেন ধাতুনাং সম্পূরা মতঃ ।

ভিন্ন কাষণ ভেদেন পুনরষ্টবিদোজ্বব ॥

এতগুলি শ্লোক পড়িয়া, তার পর পড়িতে হইবে, মাধবের সেই অসম্পূর্ণ শ্লোকনকল যাচাতে আছে, শেষের কথা আগে, আগেব কথা শেষে—আছে

অমোষ্টধা পৃথক্

দ্বন্দ্ব

সংঘতা

গন্তকঃ স্মৃতঃ ।

এ কথা যেমন সব শেষের কথা তেবনি, “পুনঃ কাষণ ভেদেন” এই শাক্য সমাযুক্ত না হওয়ায় অসম্পূর্ণ ঋষিবাক্য। ফলতঃ এতক্ষণ আমি জ্বরের যে বিভাগের কথা বলিতেছি, ইহাতে আয়ুর্বেদের প্রত্যক্ষের উপর প্রতিষ্ঠিত হইবে,—ইহাব সম্প্রাপ্তি সত্য হইবে।

পেরু দেশের “সিন্‌কোনা বার্ক” আনবা আগে পাই নাই বলিয়া, আমাদের লজ্জিত হইবার কোন কারণ নাই। আমাদের জ্বরের Pathology ঠিক হইলেই বিজ্ঞান ক্ষেত্রে আমাদের নিশ্চয়ই জয়!

বিষমজ্বর ধরিয়া জ্বরের পূর্বোক্ত বিভাগ পরিকল্পনা করিলে সম্বতর্ক জ্বরের স্থান নির্দেশ লইয়া প্রথমতঃ একটু গোলযোগ ঘটতে পারে, কিন্তু সে গোলযোগ আয়ুর্বেদের নিজেই মীমাংসা করিয়া দিয়াছেন।

সম্বতর্ক জ্বর বিষমজ্বর কি না, এই প্রশঙ্গ লইয়া যে বাদানুবাদ ও দ্বিধান্ত আয়ুর্বেদের গ্রন্থে আমবা দেখি, তাহা আপনাদের সকলেই পরিজ্ঞাত আছেন।

এই বাদানুবাদে মহর্ষি পুনর্বর্ন একদিকের নেতা, আর একদিকের নেতা—মহামতি খরনাদ। খরনাদ বলেন, সম্বতর্ক, অন্তোহ্য, তৃতীয়ক, চাতুর্থক কিম্বা তদ্বিপণ্যই বিষমজ্বর। বিষমজ্বর চারিটি; সম্বতর্ক বিষমজ্বর নহে। তাঁহার কথাগুলি এই—

জরাপূর্কঃ মরোক্তাযে

পঞ্চ সন্ততকাদয়ঃ

চত্বারঃ সন্ততঃ হিজ্জা

জ্জেরাস্তে বিষমজ্বরঃ ॥

সন্ততকে, বিষমজ্বর না বলিবার কারণ, তিনি বলেন, মুক্তানুবন্ধিত, লইয়াই বিষমজ্বর, কিন্তু সন্ততজ্বরে মুক্তানুবন্ধিত, কোথায়? বিজয় তাঁহার কথাগুলির প্রতিধ্বনি স্বরূপ লিখিয়াছেন,—

যহুত্বং ধরনাদেন জ্বরঃ ইতি

তৎ সন্ততে মুক্তানুবন্ধিতস্য।

একদা ভাবিহাদন্নহাচ্চ ন তদ্ব্যপদেশঃ

একতত্ত্বলাভ্যবহারোহনশনশক্ষস্য ব্যাপদেশাৎ ।

ন তৃতীয়কাদিবেৎ আবৃত্ত্যা মুক্তানু

বন্ধিত্বমাস্তি অভিপ্রায়েন দৃষ্টব্যঃ ।

অর্থাৎ মুক্তানুবন্ধিত—যাহা বিষমজ্বরের লক্ষণ, সন্ততজ্বরে তাহার সঙ্গতি নাই মুক্তানু অবন্ধিত এখানে কোথায়? মুক্তানু থাকিলেও এই মুক্তানু ও অতি অল্প; সুতরাং এক তুল্য ভঙ্গণ যেমন অনশনেরই ভিতর,—সেইরূপ সন্ততঃ জ্বরে মুক্তানু—অমুক্তানুই।

তৃতীয়কাদি জ্বরে বেরূপ মুক্তানুবন্ধিত আবৃত্তিপরায়ণ, এখানে সেরূপ আবৃত্তি না থাকায়, ইহা বিষমজ্বর বলিয়া কখনই পরিগণিত হইতে পারে না। সুতরাং স্বীকার করিতে হইবে, জ্বর একদিকে অবিসর্গী—সন্ততক এবং অত্রদিকে বিসর্গী সতত, অথোদ্রাঃ, তৃতীয়ক, চতুর্থক ভেদে চতুর্ধা বিভক্ত। সন্ততজ্বর একদিকে আর একদিকে আবৃত্তিপরায়ণ মুক্তানুবন্ধিসন্ততকাদি “চত্বারঃ।” জ্বরের একদিকে অবিরাম জ্বর, আব এক দিকে সবিরাম জ্বর। চরকের নত পূর্বে উদ্ধৃত করিয়াছি। তিনি বিষমজ্বর বলিতে

সন্ততক

সন্ততক

অথোদ্রাঃ

তৃতীয়ক ও

চতুর্থক

এই পঞ্চবিধ জ্বরই গ্রহণ করিয়াছেন।

বিজ্ঞর চরকের মতের প্রতিধ্বনি করিয়া বলেন, চরক সন্ততকে বিষমজ্বর বলিবার পূর্বে, দেখাইয়াছেন যে সন্তত জ্বরেও মুক্তানুবন্ধিৎ আছে ।

“ অগ্নৌব তথা ভাবাং তল্লক্ষণে চরকঃ—

বিসর্গঃ দ্বাদশে কৃত্বা

দিবসেব্যক্ত লক্ষণঃ

ছলভোপশমঃ কালঃ

দীর্ঘমপ্যনুবর্ততে ॥ ”

অর্থাৎ দ্বাদশ দিবসে সন্তত জ্বর একবার স্পষ্ট ছাড়িয়া যায়,— গিয়া দীর্ঘ-কাল ধরিয়া আর উপশম হয় না—ভোগ করিয়া থাকে । যখন স্পষ্ট ছাড়িয়া আবার ভোগ হয়, তখন মুক্তানুবন্ধিৎ একবারে নাই, একথা বলা চলে না ।

“ মুক্তানুবন্ধিৎ বিষমজ্বঃ

তচ্ছাত্র নাস্তি —নৈবং । ”

জ্বরের সংজ্ঞায় সন্ততজ্বরকে ফেলিতে গিয়া আয়ুর্বেদে এই বাদানুবাদ,— ইহা অতীব সমীচীন । মহর্ষি পুনর্বার যাহা বলিয়াছেন, তাহাও সত্য এবং ধরনাদ যাহা বলিয়াছেন, তাহাও সত্য । উভয়ের মতই সত্য, অথচ পরস্পরে মিল নাই, এমন ঘটনা হইতে পারে কি ? হইতে পারে বলিয়াই বলিগেছি, আয়ুর্বেদে সন্ততক জ্বর লইয়া এই বাদানুবাদ অতীব সমীচীন । কেবল সমীচীন নহে, এদেশের চিকিৎসকগণের স্পষ্টদর্শিতারই ইহা বিশেষ পবিচায়ক । মোট কথা, এইরূপ বাদানুবাদ আছে বলিয়াই, আমরা বলিতে বাধ্য, সন্ততক জ্বর এবং সন্ততকাদি চতুর্বিধ জ্বর উভয়েই বিষমজ্বর । উভয়েই ম্যালেরিয়া বটে, কিন্তু উভয়ের মধ্যে যৎকিঞ্চিৎ পার্থক্যও আছে । সে পার্থক্য, সন্ততকজ্বর যে ভূতবিশেষের অনুঘঙ্গে সমুৎপন্ন—সন্ততকাদি সে ভূতবিশেষের অনুঘঙ্গে সমুৎপন্ন নহে ।

সন্ততকাদি জ্বরের Parasite আর সন্ততকাদি জ্বরের Parasite প্রত্যক্ষে দেখিতে পাওয়া যায়, পরস্পর বিভিন্ন ।

ডাক্তারেরা অনুবীক্ষণ যন্ত্রের সাহায্যে এইরূপ পার্থক্য উভয়ের জাতি বিশেষের মধ্যে উপলব্ধি করিয়া সন্ততকাদিকে অব্যবাহিত মুক্তানুবন্ধিত্বপরায়ণ বা Regularly Intermittent fever এর শ্রেণীতে ফেলিয়াছেন । আর বলিয়াছেন, সন্ততজ্বর Irregularly intermittent or remittent or bilious remittent or Pernicious Malaria— এক কথার Aëstivo-Au-

tuminal Fever বা ঋতু বিপর্যয়হেতু—অভীষ ভয়াবহ অবিসর্গী জ্বর ।

আয়ুর্বেদের মতে যেমন সততকাদি চতুর্কর্ষ জ্বর, এক হইতে অল্পে পরিণত হইতে পারে, ডাক্তারেরাও ঠিক সেই কথাই বলেন ; তাঁহাদের মতে, সততকাদি জ্বর যে সন্তত জ্বরের আকার ধারণ করিতে পারে না, তাহার কারণ সন্তত জ্বরের Parasite সততকাদি জ্বরের Parasite হইতে ভিন্ন জাতীয়। তবে বিসর্গী জ্বর ক্রমে অ বিসর্গী হইয়া যাইতে পারে। অবিসর্গী হইলেও ইহার ভূতাবিষঙ্গে সন্তত জ্বরের ভূতধোনি হইতে ভিন্ন জাতীয়। সতত জ্বরের Parasite এর নামের আগে—Benign বিশেষণ, সন্তকজ্বরের Parasite এর নামের আগে বিশেষণ Malignant

আয়ুর্বেদে সততকাদিজ্বর কেন নিম্ন পূর্বক ভোগ করে ও ত্যাগ পায়, তাহার কারণ প্রদত্ত হইয়াছে। ডাক্তারেরাও ইহার নিয়মে সেইরূপ কারণের উল্লেখ করিয়াছেন।

মোটকথা, প্রতীচ্য-চিকিৎসাবিজ্ঞান বহুপবিশ্রম ও বহুগবেষণার পর, আজ কয়েক বৎসর হইল ম্যালেরিয়া বা বিষমজ্বরের উৎপত্তি সম্বন্ধে যে সিদ্ধান্তে উপনীত হইয়াছেন, আয়ুর্বেদে ঠিক সেই সিদ্ধান্ত—সেই কথা—সেই রস রক্তাদি আশ্রয়,—সেই নিয়ম পূর্বক জ্বরের অভিব্যক্তি। প্রাচ্য ও প্রতীচ্যে সবই একরূপ।

আমরা বিষমজ্বরকে ম্যালেরিয়া বলিয়া না বুঝায়, এতদিন, এত গোলযোগ ঘটিয়াছে। বিষমজ্বর আর জীর্ণ, পুরাতন, পুনরাবৃত্ত জ্বর এক মনে করায় এ কুফল। এখন হইতে বিষমজ্বরকে ম্যালেরিয়া মনে করিতে হইবে, করিলে কুইনাইন প্রয়োগ না করিয়াও আমরা আমাদের স্বদেশ সজাত দ্রব্যগুণে তরুণ জব, নধ্য জ্বর, জীর্ণ জ্বর, দূরীভূত করিয়া ডাক্তারদিগের মত বিজ্ঞান ক্ষেত্রে জয়যুক্ত হইব।

পাশ্চাত্য চিকিৎসা এ দেশে প্রচলিত হইবার সঙ্গে যে সকল খ্যাতনামা ডাক্তার জ্বর চিকিৎসা বিষয়ক পুস্তকাদি প্রণয়ন করিয়া এই প্রবল ব্যাধির আক্রমণ হইতে এ দেশবাসিদিগকে রক্ষা করিতে সচেষ্ট হইলেন, তাহাদের মধ্যে নিম্নলিখিত ব্যক্তিগণের নাম বিশেষ উল্লেখযোগ্য। এই সকল ব্যক্তি কোন্ কোন্ সময়ে এ দেশে অবস্থিতি করিয়া জ্বর সম্বন্ধে তাঁহাদের স্বীয় স্বীয় অভিজ্ঞতা কি ভাবে ব্যক্ত করেন, তাহারই সংক্ষিপ্ত তালিকা এখানে প্রদান করিতেছি :—

১৭৫৭ খৃঃ — ১৮০৪ খৃঃ

জেমস লিনডে—জন ক্লার্ক এবং উইলিয়াম হাট্‌চাৰ্‌স নামক তিনজন ডাক্তার জাহাজেব কর্ম লইয়া ১৭৫৭ খৃষ্টাব্দে এদেশে আগমন করেন। ইহাদের আগমনের পূর্বে সিন্ধোনা বার্কের আবিষ্কার হয়। স্প্যানিয়াভর্গ ১৬৩২ খৃঃ থেকে হইতে এই ঔষধ টানবোপদেশে আনিয়ন করেন। ১৭৩৯ খৃষ্টাব্দে জর চিকিৎসায় সিন্ধোনা প্রথম ব্যবহৃত হয়। তখন ইহাৰ নাম ছিল জেজুইট বার্ক। মিসনাবীষণ নানা দেশে এই বার্ক দিয়া জব আরোগ্য করিতে আরম্ভ করেন। ডাক্তার বোগ বলিয়া একজন চিকিৎসক ১৭৫৭ খৃষ্টাব্দে কলিকাতার বর্ষাকালজাত অবৈ ইহা প্রথম ব্যবহার করেন। জেমস লিনডে ১৭৬৫ সালে নিয়মস্বে প্রায় ৪০০ শত ৫০০ শত রোগীর সবি-রাম ও অবিরাম জব এই ঔষধ প্রয়োগে আরোগ্য করেন। ইহাতে ১৫০ পাউণ্ড অর্থাৎ ১১০০ বার্ক খরচ হয়। বেবল মাত্র ২ টী বোগী এই ঔষধে রোগমুক্ত না হইয়া কাল কবণিত হয়। কিন্তু তাহারা এই ঔষধ রীতিমত ব্যবহার কবে নাই। ডাক্তার লিনডে অবৈব যে বিবরণ লিপিবদ্ধ করিয়াছেন, তাহাতে স্পষ্ট জানা যায় যে, সে সময়ে এদেশে জব ত্রিবিধ আকারে প্রকাশিত হইত। যথা—

(১) Intermittent fever,

(২) Remittent fever,

(৩) Continued fever,

শেষোক্ত জবে বিচ্ছেদ সম্পূর্ণ না হইলেও সময়ে সময়ে উত্তাপেব হ্রাস যে না ঘটত, তাহা নহে। অধিকাংশ স্থলেই বেগেব অল্পহই পারিলক্ষিত হইত, (Having also a great tendency to remit) তিনি বলিয়াছেন, এ সময় এদেশে জবের চিকিৎসা ছিল রক্তমোক্ষণ, বমন কিম্বা বিরেচন। ফল কথা যে ঔষধ প্রযুক্ত হইত, তাহাৰ উদ্দেশ্য ছিল ঘর্ম আনিয়ন, কিম্বা এমন কোন আচরণ, যাহাতে শরীরের উত্তাপ হ্রাস প্রাপ্ত হয়। জর বিচ্ছেদ পাইলে ১ হইতে ২ ড্রাম মাত্রায় বার্ক প্রযুক্ত হইত। রক্তমোক্ষণ অতি সতর্কতার সহিত সম্পাদিত করা, তখন নিয়ম ছিল। বার্ক প্রয়োগে অধিকাংশ জরই আরোগ্য হইত; তবে লোকের একটা মহাভুল ধারণা ছিল—তাহারা অতিরিক্ত বার্ক সেবনের প্রতিক্রিয়াকে মনে করিত, জব শরীর হইতে ত্যাগ পায় নাই। বার্ক জর অটকাইয়া গেল। তাই এত কষ্ট!

যেখানে বার্ক সেবন সহ্য হইত না, সেখানে বস্তি প্রদান করা হইত। বার্ক জ্বর বন্ধ হইতই, এবং তাহাব ধারণা ছিল, পূর্ব হইতে বার্ক ব্যবহার করিলে জ্বর উৎপন্নও হয় না। ১৮০৪ খৃষ্টাব্দে উইলিয়ম-হন্টাং বার্ক চিকিৎসাই জ্বরের একমাত্র প্রতিষেদক বলিয়া গ্রহণ করেন। তিনি বলিয়াছেন, ইহার মাত্রা ১ ড্রামই যথেষ্ট। উত্তাপের মাত্রার কিকিং হ্রাস ঘাটিলেই ইহা প্রযোজ্য।

১৭৬৮ — ১৭৭১ খৃঃ

জন ক্লার্ক ছুইবার এদেশে আগমন করেন, প্রথম ১৭৬৮ সালে, দ্বিতীয়বার ১৭৭১ সালে। বঙ্গদেশেব মহানারিব সময় তিনি এদেশে উপস্থিত ছিলেন। তিনি বলিয়াছেন, একপ সাংসাতিক জ্বর তিনি আব কখনও দেখেন নাই। তাঁহাবও অভিনত, জ্বর সর্বত্রই একরূপ; তাহাদেব ভিতব কোনরূপ শ্রেণী বিভাগ বা পার্থক্য নাই। (*Yes in every part of the world, fevers are essentially the same or in other words consist of only one genus*) সর্বত্রই জ্বরের আকার

হয়— Intermittent

না হয়— Remittent

না হয়— Continued.

চিকিৎসা সম্বন্ধে তিনি উক্তদেশে রক্ত নোক্ষণের বিরোধী ছিলেন। তাঁহার মতে বমন (Tartar emetic) বিরেচন, অস্ত্র পরিকার করিতে Glaucubers Salt এবং পিত্ত নিঃসরণ কবিত্তে Calomel প্রদেয়। ইহার সঙ্গে আফিং নিদ্রাকারক, ঘর্ম্মকারক, বেদনা প্রশমক, সর্দি নাশক বলিয়া অনেক সময়ে প্রদত্ত হইত। বিশেষতঃ যে ক্ষেত্রে বার্ক সহ্য হইত না, সেখানে আগে আফিং দেওয়াই নিয়ম ছিল। আফিং দিলে বার্ক উদরে থাকিত।

তিনি লিখিয়াছেন, অস্থ ঔষধে রোগীর উপসর্গ দমন হইত, কিন্তু জ্বর বন্ধ করিতে বার্ক চাই-ই-চাই। বিচ্ছেদ না হয়, বার্ক দেওয়াই চাই। ফুটি-লেও কোন কোন স্থানে বার্ক প্রয়োগ করিয়া সুফল লাভ ঘটিয়াছে। তবে উত্তাপ হ্রাস হইলে বার্ক মন্যর্থ। উত্তাপ যেখানে সহজে হ্রাস না হয়, সেখানে দিন কতক উপরি উপরি বার্ক দেওয়ার প্রয়োজন। আর বার্ক দিলে আর একটা শুভ ফল এই হয় যে, জ্বর পবিগানে বিপজ্জনক হইতে পারে না। (Prevent from growing dangerous or malignant) এই

সময়ে কুইনাইনের আবিষ্কার হয় নাই, বার্কই ট্রুনওয়া হইত।

কিন্তু একটি আশ্চর্যের বিষয় এই যে, বার্কের এত উপকারিতা সত্ত্বেও ৪০ বৎসরের জন্ত এদেশে জ্বব বার্ক প্রয়োগ উঠিয়া যায়। তখন চিকিৎসা একমাত্র refrigerent প্রয়োগে উপর নির্ভর করে। তিনি লিখিয়াছেন,—
কিছু না করিয়া কিছু করিলাম, এই ধারণা ভিন্ন ইহার আর কি উপযোগিতা আছে? তবে একটা মঙ্গল এই যে, উপকার করিতে না পারিলেও ইহাতে কোনও অপকার করা হইত না।

১৮০৪ — ১৮৪৭ খৃষ্টাব্দ।

এই দীর্ঘকালের জন্ত জ্বরে বার্ক প্রয়োগ এদেশে একেবারে হ্রাসিত হইয়া যায়। এবং তৎপরিবর্তে যে চিকিৎসা প্রণালী প্রবর্তিত হয়, তাহা ভয়ানক মারাত্মক।

ডাক্তার জেমস জনসন্ নামক এক ব্যক্তি এই চিকিৎসার জন্ত দায়ী। তিনি ১৮০৪ সালে এদেশে জাহাজে কর্ম্ম লইয়া আগমন করেন। এই সময়ে এদেশে সেন্টেব্রার মাসের সঙ্গে ভয়ানক জ্বর আবির্ভূত হইত। তিনি প্রথমে ডাক্তার লিনডে এবং ডাক্তার ক্লার্কের জ্বব চিকিৎসার পুস্তক পাঠ করিয়া বার্ক প্রয়োগে একটি রোগীকে আরোগ্য করিতে চেষ্টা করেন, কিন্তু যে কোন কারণে রোগীটি তাহাব হাতে মারা যায়। তিনি এই রোগীর শবদেহ পরীক্ষা করিয়া দেখেন, যে তাহার যকৃতে ভয়ানক প্রদাহ জন্মিয়াছে এবং মস্তিষ্কের শিবা সকলে রক্ত ভরিয়া আছে। ইহার পর তিনি আর একটি জ্বব রোগীর চিকিৎসা করেন, তাহাতে বার্ক না দিয়া বমন, বিরচন, রক্ত মোক্ষণ প্রভৃতি আত্মরিক চিকিৎসা অবলম্বনে তাহাকে দুর্ভাগ্যক্রমে আরোগ্য কবেন। করিয়া তাহার ধারণা হয়, জ্বরে বার্ক অপকারী এবং বমনাদি কর্ম্মই উপকারী। জ্বর রোগী পাইলেই তখন তিনি আর কোন চিকিৎসা না করিয়া তাহাব বোগ মুক্তির জন্ত প্রথমেই আমর্দন দ্বাৰা রস প্রয়োগ করিতে থাকেন। মুখ আসিলেই তাহাকে বিরচন দেন, এবং সঙ্গে সঙ্গে রক্ত মোক্ষণ ব্যবস্থা করেন। বিরচনার্থ কুড়িগ্রাণ ক্যালো-মেল তাঁহার অল্প মাত্রা।

ডাক্তার জেমস দেশে ফিরিয়া গিয়া একখানি পুস্তক প্রণয়ন করেন, সেই পুস্তকখানি এত বহুল প্রচারিত হয়, যে উপর্যুপরি তাহার ৬টি সংস্করণ প্রয়োজন হইয়া পড়ে; ইহার ফলে এই ঘট— যে কর্ম্ম বৎসরের পরী-

ক্ষিত যে বার্ক জরে ধ্বস্তরি বলিয়া প্রসিদ্ধি লাভ করে, তাহার ব্যবহার একগারে স্থগিত হইয়া যায়। বার্কের একমাত্র ব্যবহার যাতা থাকে, তাহা এই যে, জিহ্বা পরিষ্কার হইলে এবং জ্বর ছাড়িয়া গেলে বলহীন রূপে ইহার প্রয়োগ। জ্বর সত্ত্বে জনসনের চিকিৎসায় রস প্রয়োগে যথানয়ন সর্বত্র ঘটিয়া উঠিত না, ফলে জ্বর ছাড়িয়া ঐ ভয়ঙ্কর বসমাত্রা শবীরের মধ্যে শোষিত হওয়ায় এমন সকল ঘটনা ঘটিত, যাহাতে লোকের মাড়ি পর্য্যন্ত খসিয়া পড়িয়াছে।

১৮১৬ সালে ডাক্তার হ্যাণ্ডিডে যে পুস্তক সংকলন করেন, তাহাতে জনসনের চিকিৎসার পরিণাম ও কুফল নিনাদিত হয়। তিনি লিখিয়াছেন, এক একটি রোগীতে এই সময় প্রায় ৬০০ হইতে ৮০০ গ্রেণ ক্যালোমেল দেওয়া হইত। জেনারল্ হাসপাতালে পূর্বে বলিয়াছি, ১ মাসের ক্যালোমেল খরচ ১৩,৩০৭ গ্রেণ। লোকে ক্রমে এই ভয়ানক চিকিৎসার ব্যাপত্তি উপলব্ধি করিতে সমর্থ হয়; প্রাচীন প্রাচীন যত লোকের মাড়ি খসা দেখিতে পাইবেন, তাহাব অধিকাংশ এই চিকিৎসার ফল।

লোকে এইরূপ চিকিৎসার বিরুদ্ধে ঘোব আন্দোলন উপস্থিত করে, তখন ডাক্তার জন্সন বাধ্য হইয়া, এদেশ পরিত্যাগ করিয়া পালাইতে বাধ্য হন, কিন্তু তাহাব যাওয়ার পবণ অনেক দিন ধরিয়া এদেশে ক্যালোমেল চিকিৎসা বন্ধ হয় নাই। তবে একটা নিয়ম হয় যে ২০ গ্রেণের অধিক ক্যালোমেল না দেওয়া।

ইহার পর ডাক্তার জেমস্ এদেশে চিকিৎসক হইয়া আসেন। তিনি এই সময়কাব জ্বরের উৎপত্তি সম্বন্ধে যে মত প্রচলিত দেখেন, তাহা এই জ্বর বায়ু মণ্ডলের বিছাতেব হ্রাস বৃদ্ধির সহিত জড়িত; বিছাৎ না হইলেও বায়ুমণ্ডলে এমন কোন পরিবর্তন ঘটে—যাহাতে জ্বর জন্মায়। এ ছাড়া জ্বরের অত্র কোন কারণ নাই। অত্রাত্র কারণ কল্পনামাত্র।

ডাক্তার জেমস্ জরকে নিম্নলিখিত বিভাগে বিভাজিত করেন—

১। শরৎ এবং শীত ঋতুতে সমুৎপন্ন সবিরাম জ্বর যথা—

ঐক্যাহিক

দ্ব্যাহিক

ত্র্যাহিক— ইত্যাদি।

২। বর্ষার প্রারম্ভে জ্বাত এবং গ্রীষ্মকাল জাত অতীব প্রদাহযুক্ত অবিরাম-

জ্বর। বর্ষার পরে জ্বর বহু বিপৎজনক, যদি তাহা পৈশ্চিক হয়।

৩। অবিরাম একজরী অবস্থায়ুক্ত জ্বর প্রদাহ যুক্ত, গ্রীষ্মেব প্রথর উষ্ণতা এই জ্বরের হেতু।

এই জ্বরে, তিনি বলিয়াছেন, অল্পে ক্ষত জন্মে। (অর্থাৎ যে জ্বর এখন টাইফইড বলিখা ধারণা করা যায়।) তাঁহার মতে চিকিৎসা, — উষ্ণ অবস্থায় শীত প্রয়োগ, শীত অবস্থায় উষ্ণ প্রয়োগ; উষ্ণতায় রক্তমোক্ষণ, ঘর্মানয়ন, শীতল জলধারা প্রদান, তারপৰ ১৫২° গ্রেণ ক্যালোমেল ব্যবহার। দোষ শরীর হইতে বহিঃস্রবণ করাই এই চিকিৎসার উদ্দেশ্য। তিনি বলিয়াছেন, আগে বমনাদি প্রয়োগ না করিলে বার্ক কোন ফল হয় না। প্রথমে ঝিগা পেটে থাকে না; থাকিলেও জ্বর বন্ধ করিতে পাবে না। এবং ঝিগাদেব বৃদ্ধি সাধন করে! তাঁহার মতে গ্রীষ্মেব বৃদ্ধি কম না হইলে ক্যালোমেল ব্যবহার নিষিদ্ধ। ইনি জ্বরের প্রতিষেধার্থ মশারী ব্যবহারের কথা বলিয়াছেন। মশক ম্যালেরিয়া আনয়ন করে, ইহা সেই তত্ত্বের প্রমাণনি। যাহা হউক, ডাক্তারী চিকিৎসার যে ক্রম উপরে প্রদত্ত হইল, তাহা হইতে, আপনাদিগের অবস্থা প্রথম ধারণা জন্মিবে এদেশে জ্বর তখনও যেমন এখনও তেমন—

অর্থাৎ Intermittent

Remittent এবং

Continued

যে স্থান বিশেষে জ্বরের ক্ষত উপলব্ধি করা যাইত, তাহা এই Continued fever এর মধ্যে তখন বিবেচিত হইত। দ্বিতীয়তঃ মনে হইবে, শীত, শরৎ, বর্ষা, গ্রীষ্ম ধরিয়া ঋতু বিশেষে জ্বরের প্রাচুর্য্য। তৃতীয়তঃ গ্রীষ্মের জ্বর অবিরামজ্বর; অল্প ঋতুেব জ্বর সবিরাম। চতুর্থ—মহামারি বন্দনও জ্বরের যে রূপ অল্প সময়েও জ্বরের সেই রূপ। যখন যে জ্বরই হউক না কেন, সব জ্বরই এক জাতীয়। তবে ভিন্ন কাৰণ ভেদে শ্রেণীগত পৃথক্ পৃথক্ বিভাগ আছে।

অনেকদিন ধরিয়া ডাক্তারদিগের চিকিৎসার শেষ এই প্রমাণিত হয় যে বার্ক এই সকল জ্বরের অব্যর্থ মহৌষধ।

রক্তনোঙ্গণ,

বমন,

বিরেচন,

রস প্রয়োগ,

স্থল বিশেষে কচিং কখন উপকারী হইলেও ইহার কুকলই অধিক। এমন সকল ব্যাপ্তি ইচ্ছাতে ঘটে, যাহা অতি ভয়ঙ্কর।

আয়ুর্বেদের চিকিৎসার ফলাফল ডাক্তারদিগের এই বহুদর্শিতাব আলোকে এখন আমাদিগকে বিচারপরাগ হইয়া দেখিতে হইবে। এবং সেইসঙ্গে দেখিতে হইবে বিষমজ্বর চিকিৎসার আমাদের কোন পথ অবশ্যনীয় ?

আয়ুর্বেদ মতায় বিপাক মানিক অবিশেষণে আমি আপনাদিগের নিকট আয়ুর্বেদ ও ম্যালেরিয়া আঁখিক যে প্রবন্ধ পাঠ কবি, তাহাতে আমি নিজের কোন মতায়ত ব্যক্ত করি নাই; আমি উক্ত প্রবন্ধে যে সকল কথা বলিয়াছি, তাহাতে হয়ত আপনাদের ধারণা জন্মিয়াছে, যে আমাদের দেশে এক দিন বিষমজ্বরের উৎপত্তি সম্বন্ধে দুইটি বিভিন্ন সম্প্রদায় দুইটি বিভিন্ন মত পোষণ করিয়া একদল প্রচার কবিতেছিলেন, অতিতাতাব হইতে অগোংস্থষ্ট ব্যক্তির বিষমজ্বর আবিহুত হয়, আর একদল বলিতেছিলেন, বিষমজ্বর ভূতান্তি-সন্দোথ। এই উভয় মতের মধ্যে প্রাচীন ঋষিদিগের মতই আয়ুর্বেদ সাদরে আপন বক্ষে স্থান দান করিয়া আসিতেছেন। অপর মত পৌরাণিক মত। ভেড় ভালুকি পুঙ্গাবত বাণ প্রভৃতি আয়ুর্বেদাচার্য্যগণ এই মতের পক্ষপাতী হইলেও আমি প্রতিপন্ন করিতে চেষ্টা করিয়াছি, মূলে ভগবান শ্রীকৃষ্ণই ভূতান্তি-সন্দোথ বিষমজ্বর এই তত্ত্ব জন সনাজে যেমন প্রচার করেন, তেমনি ইহাও প্রচার করেন, যে মনুষ্যদেহে একমাত্র বিষমজ্বরই আপন আধিপত্য বিস্তার করিয়া আছে। অর্থাৎ জরকে মানবদেহে প্রবেশ করিতে হইলে তাহাকে বিষমজ্বরের আকাবে আকারিত হইয়া আসিতে হয়। স্থলতঃ আয়ুর্বেদের চিকিৎসায় অধিকৃত জ্বর বিষমজ্বর। বাতিক পৈত্তিক শ্লেষ্মিক দন্দজ, এবং সান্নিপাতিকাদি ইহার যে সকল বিভাগ আছে, তাহা বিষমজ্বরেরই বিভাগ। মাধব তাঁহার নিদান গ্রন্থে অবশ্য যে অষ্টধা বিভাগ করিয়াছেন, তাহা জ্বর বিভাগের একদেশমাত্র। ঋষিবাক্যের প্রতিধ্বনি হইলেও, ইহা সম্পূর্ণ ঋষিবাক্য নহে;—“কারণ ভেদে জ্বর অষ্টধা” এ কথা না বলিয়া মাধব তাঁহার নিদান গ্রন্থে “জ্বর

অষ্টধা বলিয়াছেন। কারণভেদে যে ঈহা অষ্টধা এইরূপ কোন আভাস বা আলাপ করেন নাই। সুতরাং ফলে এই দাড়াইয়াছে, যে সাধারণতঃ আয়ুর্বেদবিজ্ঞার্থীরা মনে এই সংস্কার জন্মে, যে বাতিক পৈত্তিক শ্লেষ্মিক দন্দজ সংসর্গজ এবং আগন্তুক ছাড়া, বিষমজ্বর জ্বরের একটি স্বতন্ত্র বিভাগ—জ্বর ছাড়িয়া গিয়া কুণথ্য হইতে যদি আবার জ্বর পালটায়, তাহা হইলে সেই জ্বরকে বিষমজ্বর কহে। পালটান জ্বর—স্থলবিশেষে কুইনাইন আটকান জ্বরের মধ্যেও এই কারণে অধিকাংশ স্থলে পরিগণিত হইয়া কুইনাইনের অপবাদ পরিবোধণা করে। মোট কথা আয়ুর্বেদের দিক দিয়া না হইলেও বিষমজ্বর পৌরাণিক মতে জ্বরের আশ্রয় মধ্য এবং শেষ—তবে ইচ্ছা বিধিভেদে দ্বিবিধ হইতে পারে যথা—

- (১) শরীর বা মানস (২) সৌম্য বা আগ্নেয় (৩) অন্তর্কর্ষণ বা বহির্কর্ষণ (৪) প্রকৃত বা বৈকৃত (৫) সাধ্য বা অসাধ্য (৬) সাম বা নিরাম।

দোষ কাল বলাবল ভেদে পঞ্চবিধ হইতে পারে যথা—

সত্ত্ব বা সতত বা অশ্লেষ বা তৃতীয়ক বা চতুর্থক বা ইহাদিগের বিপর্যায়।

আশ্রয় ভেদে দশবিধ হইতে পারে যথা—

রসস্থ বা রক্তস্থ বা মাংসস্থ বা মেদস্থ বা অস্থিগত বা মজ্জাগত বা শুক্রগত।
ভিন্ন কারণভেদে অষ্টবিধ হইতে পারে যথা

পৃথক্ অর্থাৎ বাতিক বা
 পৈত্তিক বা
 শ্লেষ্মিক ৩

দন্দজ যথা—

বাতপৈত্তিক বা
বাত শ্লেষ্মিক বা
পিত্তশ্লেষ্মিক ৩

সংসর্গজ— যথা—

বাতপিত্তশ্লেষ্মিক ১

আগন্তুক—

১ মোট এই অষ্টবিধ।

ভগবান্ শ্রীকৃষ্ণের উপদেশে বা আদেশে যখন বিষমজ্বর ভিন্ন অত্র কোন আকারে জ্বর মনুষ্য শরীরে প্রবেশ অধিকার প্রাপ্ত হয় নাই, তখন বলিতে হইবে, জ্বর পরে যেকোন লক্ষণেই লক্ষণাবিত হউক না কেন সমস্ত জ্বরই মূলে বিষম জ্বর।

জ্বর সর্বত্রই একরূপ, তাহার ভিত্তর কোনরূপ জাতিগত পার্থক্য নাই ; (মহামারির সময়ই হউক, আর অন্য কারণেই হউক!) Yet in every hart of the world fevers are the same or in other words feavers are essentially only of one genus.

১৭৬৮ ও ১৭৭১ সালে ডাক্তার জন ক্লার্ক ছইবার এদেশে আগমন করেন। যে সময়ে তিনি এদেশে আসেন, সে সময় বঙ্গদেশে মহামারি পূর্ণ-মাত্রায় বিরাজমান। তিনি ঐ মহামারি স্বচক্ষে দেখিয়া যাহা লিখিয়াছেন, তাহাই পূর্বে উদ্ধৃত কবিয়াছি।

তাঁহার মতে জ্বর—

Intermittent

Remittent এ৭ং

Continious

এই তিন শ্রেণীতে বিভক্ত—শ্রেণীগত তাহাদের পার্থক্য থাকিলেও কিন্তু জাতগত কোন পার্থক্য নাই।

ডাক্তার জেমস্ এদেশে আসেন, ১৮১৬ সালের পর। তিনি জ্বরকে নিম্নলিখিত শ্রেণীতে বিভক্ত করেন,

(১) শরৎ বা শীতঋতু সঞ্জাত সবিরাম জ্বর যথা—

ঐকাহিক, দ্বাহিক, ত্রাহিক ইত্যাদি

(২) বর্ষার প্রারম্ভে সঞ্জাত এবং গ্রীষ্মকালজাত অতিতীব্র প্রদাহযুক্ত অবিরাম জ্বর—বর্ষার জ্বর বহুবিপজ্জনক, বিশেষতঃ যদি তাহা পৈত্তিক হয়।

(৩) গ্রীষ্মের সময় সমুৎপন্ন অবিরাম বা একজ্বরী জ্বর, ইহাতে অগ্নে ক্ষত জন্মে।

এই ত্রিবিধ জ্বরই তিনি ম্যালেরিয়া জ্বর বলিয়া পরিগণনা করিয়াছেন।

ঐকাহিক দ্বাহিক ত্রাহিক আদি জ্বর যে ম্যালেরিয়া তদ্বিষয়ে—মতদ্বৈধ এক-রূপ নাই বলিলেও হয়, তবে অপর বিষয়ে জ্বরের মধ্যে প্রথম কয়েকটি ম্যালেরিয়া

হইলেও, শেষোক্তটি এখন টাইফয়েড জ্বর বলিয়া অনেকে অনুমান করিতেছেন । ইহা ম্যালেরিয়া হইতে কথঞ্চিৎ ভিন্ন জাতীয় ।

ঐকাহিকাদি জ্বর এবং বর্ষা বা গ্রীষ্ম ঋতু জাত জ্বর যাহা প্রায়শঃ সান্নিপাতিকের আকার ধারণ করে, এতদ্ব্যতীত ডাক্তার আসলার প্রভৃতি খ্যাত-নামা চিকিৎসকগণ জাতির হিসাবে ম্যালেরিয়া বলিয়াছেন, কিন্তু শ্রেণীব হিসাবে প্রথমটির নাম Regularly intermittent এবং দ্বিতীয়টির নাম AEstivo autumnal fever.

আমি এইজন্ত পূর্ব প্রবন্ধে বলিয়াছি, মাধবনিদানে জ্বরের উৎপত্তি কথা অধ্যয়ন এবং অধ্যাপনা করিবার পূর্বে আমাদিগকে প্রথমে চরকের নিম্ন-লিখিত শ্লোকগুলি পৌরাণিক মতের দিক দিয়া এইরূপ ভাবে পাঠ করিতে হইবে, যথা—

দ্বিবিধো বিধিভেদেন জ্বর শাণ্ডীব মানসঃ ।

পুনশ্চ দ্বিবিধো দৃষ্টঃ সৌমশ্চাশ্বেয় এবচ ॥

অন্তর্কেগো বহির্কেগো দ্বিবিধঃ পুনরুচ্যতে ।

প্রাকৃতো বৈকৃতঃ সাধ্যাশ্চাসাধ্য এবচ ॥

পুন পঞ্চবিধো দৃষ্টাঃ দোষ কাল বলাবলাং ।

সমুত্তঃ সততোহগ্নেহ্যাস্তৃতীয়ক চতুর্থকো ॥

পুনরাশ্রয়ভেদেন ধাতুনাং সপ্তধা মতঃ ।

ভিন্নঃ কারণভেদেন পুনরষ্টবিধঃ জ্বরঃ ।

যদিও চক্রদত্ত প্রভৃতি বিখ্যাত টীকাকারগণ এই শ্লোকের ব্যাখ্যায় স্পষ্টই বলিয়াছেন—

পুনঃ পঞ্চবিধো দৃষ্ট ইত্যত্র

ন পঞ্চবিধেন ভেদেন সর্বজ্বর ব্যাপ্তিঃ

যতঃ

(১) প্রায়শঃ সান্নিপাতেন, দৃষ্টঃ,

পঞ্চবিধো জ্বর ইতি চ বক্ষতি,

ততঃ

(২) কেবলবাতাদি জ্বরগণাং ন সমুত্তাদি

ভেদেন গ্রহণম, তথা সমুত্তাদীনঃ

(৩) কালোহ নিম্নতাঃ তে সমুত্তাদি ভিন্নাএব

তন্মাদ্ দোষকালবলাবলাদ্ য়ে জ্বর।

ভবন্তি তে পঞ্চবিধা এবোত বাক্যার্থঃ ।

অর্থাৎ সমস্ত জ্বর পঞ্চবিধ একথা বলা অনুচিত কারণ —

পঞ্চবিধ জ্বর প্রায়শঃ সান্নিপাতিক ।

তাছাড়া কেবল বাতাদি জ্বর সন্ততাদি ভেদে গৃহীত হয় নাই।

তাবপর আব একটি কথা —

সন্ততাদি জ্বরে কালের একটা নিয়ম আছে, কালানিয়ত য়ে জ্বর স্তুরাং স্বীকার্য্য তাহা সন্ততাদি ভিন্ন।

এই সব কাণে জ্বরের পঞ্চবিধত্ব অষ্টবিধত্ব হইতে স্বতন্ত্র বলিয়া অবশ্যই স্বীকার করিতে হইবে।

আমি বলিতেছি, চক্রদত্ত যে কথা বলিয়াছেন, ঋষিদিগের মতে— এবং আয়ুর্বেদের মতে তাহাই বটে, কিন্তু পৌরাণিক মতে যখন বিষমজ্বর ছাড়া আর জ্বর নাই তখন— এই মতে ঐ সকল যুক্তি তর্কেব কোন অবসর থাকে না, বা আসে না। বিষমজ্বর বৈকৃত কিস্বা প্রাকৃত হইলেও যদি বর্ষকালোৎপন্ন হয়, তাহা হইলে তাহা প্রায়শঃ সান্নিপাতিকে পরিণত হয়—ইহা আপনারা যেমন প্রত্যক্ষ করিতেছেন, তেমনি প্রতীচ্য চিকিৎসাবিজ্ঞানবিদগণও অহরহঃ প্রত্যক্ষ করিয়া লিখিয়াছেন। এই দ্বিতীয় প্রকার জ্বর আয়ুর্বেদের পরিভাষায় সন্তত জ্বর কিস্বা তৎসদৃশ। থরনাদ ইহাকে বিষমজ্বর বলিয়া পরিগণনা করিতে প্রস্তুত নহেন, মহর্ষি পুনর্বার বলেন,— ইহা বিষমজ্বরই বটে।

একতগুল্যভ্যবহার অনশনব্যাপদেশব্যং মুক্তানুবন্ধিহের আবৃত্তি না থাকায় এবং অল্পত্ব হেতু, এই সন্তত জ্বরের জাতি নির্ণয়ে এই মতবৈধ। ডাক্তারেরা বলেন,—একজাতীয় যে, তৎসদৃশে কোন সন্দেহ নাই; তবে ভূতাত্ত্বিকের হিসাবে, সন্ততকাদি হইতে সন্তত পৃথক কেননা, সন্ততকাদিতে যে ভূত বিশেষের অভিষঙ্গ ঘটে, সন্ততকে ঠিক সেই ভূত বিশেষ পরিদৃষ্ট হয় না। তবে উভয়েই animal parasite। টাইফয়েড জ্বর কিস্বা কালজ্বরের Parasite উদ্ভিজ্জাণু স্তুরাং ইহারা ম্যালেরিয়া হইতে স্বতন্ত্র জ্বর— এই সকল জ্বরে কুইনাইন সেবন কার্য্যকারী হয় না। উপকার দেখিয়া ও বলিতে পারা যায় যে উদ্ভিজ্জাণু হইতে সমুৎপন্ন টাইফয়েড প্রভৃতি সংসর্গজ জ্বর Infectious specific জ্বর ম্যালেরিয়া; হইতে ভিন্ন জাতীয় ব্যাধি। পৌরাণিক মতকে আশ্রয় করিয়া এখন যদি ধরা যায়, বিষমজ্বর এবং ম্যালেরিয়া একই তত্ত্ব, তাহা হইলে—

সততক ও সন্ততক লইয়া খরনাদ প্রভৃতি আয়ুর্বেদাচার্যগণের মধ্যে যে মত-
দ্বৈদ, তাহার কারণ বেশ সুস্পষ্ট ভাবে উপলব্ধি করিতে পারা যায়।

তা ছাড়া আর একটি কথা এখানে আপনাদিগকে জানান আমি প্রয়োজন
মনে করি। আমার মনে হয়, আয়ুর্বেদাচার্যগণের, কেহ কেহ উপশমের দ্বারাও
স্থির করিতে চেষ্টা করিয়াছিলেন, সততকাদি জ্বর সন্ততকাদি জ্বর হইতে
ভিন্ন কিনা।

বিজয় তাহার মধুশোধে খরনাদের মত উল্লেখ করিয়া অনুমান করিতেছেন,
খরনাদ যে সন্ততকে বিষমজ্বরের মধ্যে পরিগণনা করিতে প্রস্তুত নহেন, তাহার
কারণ—

ন তৃতীয়কাদিব্যং, আবৃত্ত্যামুক্তান্নদগ্নিত্বমশ্বেতাভি প্রায়েণ অথবা

বা বিষমজ্বরোত্তেজেনোক্তা সা চিকিৎসা সন্ততজ্বরজং সততকাদিস্থ কার্যোতি
প্রতিপাদনার্থং—

হরিচন্দ্রেনাপি কর্মসাধারণং জহ্যং তৃতীয়ক চতুর্থকবেতি চরকবচনাং বিষম
জ্বরোক্তচিকিৎসা তৃতীয়ক চতুর্থকয়োবেব।

অত্রেতু দোষপ্রাণ্যনৌক চিকিৎসা কার্যোতি ব্যাখ্যাতং

অত্যাং হরিচন্দ্রব্যখ্যায়াং কর্ম সাধারণং সর্বত্রৈব বিষমজ্বরেরকার্যং বিশেষণ
অত্যাণা উক্ত তত্ত্বান্তরবিবোধঃ ॥

তৃতীয়ক চতুর্থকয়োবেব দ্রষ্টব্যং।

বিজয় বাহা লিখিয়াছেন, তাহার মূল মর্ম এই যে, ঔষধে বা যে প্রণালীর
চিকিৎসায় সন্ততজ্বর ভাল হয়, সততকাদিতে ঠিক সে ঔষধ বা সেই
প্রণালীর চিকিৎসা বিশেষ ফলদায়ী হয় না; এই জন্ত সন্ততজ্বর বিষমজ্বরের
মধ্যে পরিগণিত হয় নাই। কলতঃ উপকার ধরিয়া বিচার করিতে গিয়া
আমরা যদি ডাক্তারি মতের অনুবর্তন করি, তাহা হইলে দেখিতে পাই,—
কিন্তু এইরূপ অনুমান করিতে পারি, যে সন্ততজ্বরকে আয়ুর্বেদাচার্যগণ
প্রকৃতপক্ষে দুই ভাগেই বিভক্ত করিয়া গিয়াছেন, এক শ্রেণীতে— যে
ঔষধ ফলবতী হয়, অপর শ্রেণীতে সে ঔষধ উপকার আনয়ন করিতে পাবে
না। এক প্রকার সন্ততজ্বর— বিষমজ্বর আর এক প্রকার সন্ততজ্বর—উপ-
শয়ের দিক দিয়া দেখিলে, বিষমজ্বর নহে—যেমন *Æstivo autumnal fevers*
এবং *Typhoid* কিন্তু *Kalazar*। *Æstivo-autumnal fever* *malaria*
বলিয়া এখানে কুইনাইন অব্যর্থ, আর *Typhoid* বা কালাজ্বর *malaria* নহে

বলিয়া এখানে কুইনাইন তেমন সফলদায়ক হয় না ।

আমি এতক্ষণ সস্তত এবং সততকাদি বিষমজ্বর ধরিয়া যে সকল কথা বলিলাম, খোঁচ খাঁচ যেখানে যাহা আছে ইহাতেও তৎসমস্তই—ম্যালেরিয়া মত—যেখানে আয়ুর্বেদাচার্য্যগণ পরস্পর বিবদমান, ডাক্তারেরাও তাঁহাদের Malaria এবং Infective specific disease সম্বন্ধে সেইরূপ নানা বিচার বিতর্ক—এমন কি ঠিক আয়ুর্বেদের যথাযথ অনুকরণে বাদানুবাদ পরিগৃহীত করিয়াছেন । এখন যদি ধরিয়া লওয়া যায়, ভূতাভিষঙ্গ বলিতে (আয়ুর্বেদ নয়) পুরাণ জীবাণু এবং উদ্ভিজ্জাণু এতদুভয়কে ভূতশব্দ বাচ্য মনে করিয়াছেন, তাহা হইলে স্বীকার্য্য যে এই পৌরাণিক সম্প্রদায়ের মতে—জ্বরের বিভাগ নিম্নলিখিত রূপ—জ্বর

বৈষ্ণবজ্বর

শিবজ্বর

|

ভূতাভিষঙ্গোথ

|

ভূত—

উদ্ভিজ্জাণু

বা

জীবাণু

উদ্ভিজ্জাণু হইতে উৎপন্ন

জীবাণু হইতে উৎপন্ন

সততক ও সস্ততকাদি জ্বর

(১) সততকাদি জ্বর

যাহা প্রাচ্য বিজ্ঞানে,

যাহা আবৃত্তি সহ

Infective specific

মুক্তানুবন্ধী বা বিসর্গী

diseases

(২) অবিসর্গী ।

বা

যথা সস্ততকাদি

সংসর্গজ রোগ ।

ভাবনিশ্র ও সূক্ষ্মতের মতে এই সংসর্গজ রোগ

জ্বর

মেহ

ত্রণ

কণ্ডু

ভূতান্নাঙ্গ

যক্ষ্মা

কুষ্ঠ

নেত্রাভিষঙ্গ রোগ

উপদংশ

এবং মহুরিকাদি ঔপসর্গিক রোগ অর্থাৎ রোমাষ্ট্রিকা, পানিবসন্ত, শীতলা (বড় জ্বাত বসন্ত) বিসর্প অর্থাৎ যে সকল রোগ

প্রসঙ্গ অর্থাৎ প্রতিনিয়ত মৈথুন (কেহ কেহ বলেন)

গাত্রসংস্পর্শ

নিখাস

একত্র ভোজন

একশয্যা বা আসন

ব্যবহৃত বস্ত্র মাল্যাকুলেপন বশতঃ

একের শরীর হইতে অপরেব শরীরে সংক্রামিত হয়, তাহাই সংসর্গজ রোগ— ইংরাজিতে Infective diseases চরক প্রভৃতি আয়ুর্বেদাচার্যগণ এই সকল রোগে সাধারণ ক্রিয়া হিতকরী বলিয়া বিবেচনা করিয়াছেন, অর্থাৎ যুক্তব্যাপাশ্রয় দোষ-প্রত্যনৌক চিকিৎসা বা ওষধি প্রয়োগের সহিত দৈব ব্যাপাশ্রয় চিকিৎসা অর্থাৎ হোমাদি ইংরাজিতে যাহাকে antieiseptic treatment ও Faith cure কহে। আমাদের অপরাজিতা মহেশ্বর ধূপাদিও এ স্থানে উল্লেখযোগ্য।

ডাক্তারদিগের মতের সহিত আমাদের আয়ুর্বেদের প্রতি তথ্যকে যে মিলিতেই হইবে, এমন কোন কথা নাই,— মিলাইলেও অতি সতর্কতার সহিত মিলান কর্তব্য— কেন না আমাদের আয়ুর্বেদ যে সত্যের উপর প্রতিষ্ঠিত সে সত্য আজও যেমন :৫০০০ হাজার বৎসর পূর্বেও তেমন। প্রতীচ্যবিজ্ঞান এখনও সত্যের স্পষ্ট ভিত্তি নির্দ্ধারিত করিয়া দাড়াইতে পারে নাই। আজ যে মত কাল সে মত পল্লিবর্তিত হইতেছে, স্মরণ্য অতি সাবধানে প্রতীচ্য বিজ্ঞানের মত আয়ুর্বেদের ভিতর আনিতে হইবে। তাই বলিতেছি আয়ুর্বেদে জ্বরের বিভাগ প্রতীচ্য বিজ্ঞানের সহিত কোন কোন স্থানে সদৃশ তত্ত্বের উদ্ঘাটন না করিলেও, আমাদের তজ্জন্ত লজ্জিত হইবার কোন কারণ নাই! এবং আশা করা যাইতে পারে—প্রতীচ্য বিজ্ঞান কালে এই মতের অনুবর্তন করিতে বাধ্য হইবেন। তবে ষতদূর যাহা মিলে, আজ তাহাই আমি এখানে উল্লেখ করিতেছি। এবং উল্লেখ করিতে গিয়া এই মাত্র বলিতেছি, যে পৌরাণিক মত ধরিয়া বিষমজ্বরকে সর্বজ্বরব্যাপ্তি বলিয়া স্বীকার করিলে, এবং সেই সঙ্গে ভূতাভিষদই ইহার মূলে অবস্থিত এইরূপ মনে করিলে আমাদের এই লাভ হয়, যে তরুণ জ্বরেকে ভয় করিয়া ছাড়িয়া দিয়া বিষমজ্বরের জন্ত আমা-দিগকে অপেক্ষা করিয়া থাকিতে হয় না। দেশের তিনভাগ রোগী যাহা আমাদের হাত হইতে বাহির হইয়া গিয়াছে, তাহা আবার আমরা ফিরিয় পাই— এবং পাইয়া দেখাইতে পারি, আয়ুর্বেদ যেমন যক্ষ্মা[জ্বরযুক্ত, যেমন শোথে ইহার তুল্য আর ফলশ্রদ কোন ঔষধ নাই, উদরাময়ে, অজীর্ণে ইহা ধ্বংসকর, সেইরূপ তরুণজ্বর, মধ্যজ্বর, জীর্ণজ্বরেও আয়ুর্বেদ বিজয় নুভিহ

হস্তে করিয়া দণ্ডায়মান হইবার সম্পূর্ণ যোগ্য।

যে প্রণালীই চিকিৎসা অলম্বন করিলে তরুণ জ্বরের চিকিৎসায় আমরা পুনরায় যশস্বী হইতে পারি, এখন আমি তাহাই আপনাদিগকে বলিতে যাইতেছি। আপনারা আশীর্বাদ করুন, আমি যেন এই বিষয় আপনাদিগের তুষ্টিজনক করিয়া বলিতে আজ সক্ষম হই!

আপনারা যদি মনোযোগের সহিত আমাদের আত্মবৈদীয় চিকিৎসা গ্রন্থ আলোচনা করেন, তাহা হইলে দেখিবেন, ইহার দুই স্থানে দুইটি সূত্র আছে, তাহারা পরস্পর কত বিসদৃশ।

প্রথম সূত্রটি মহর্ষি পুনর্বসুর নিজের উক্তি; দ্বিতীয়টি কাহার আমি এ পর্য্যন্ত নির্ণয় করিতে পারি নাই। তবে সূত্রটি এই—

ন দোষাণাং ন রোগাণাং

ন পুংসাঞ্চ পরীক্ষণম্

ন দেশানং ন কালানং

কার্ষ্যং রসচিকিৎসিতে !

শ্রদ্ধাপদ বিনোদলাল সেন ইহার অর্থ করিয়াছেন—

“রস চিকিৎসায় দোষ, বোগ, ব্যক্তি, দেশ, কাল, ইহার কিছুই পরীক্ষা করিবার প্রয়োজন নাই।”

প্রথম সূত্রটি এই—

হৃক্ষ্মাণি হি দোষ-ভেষজ-দেশ কাল-বল

শরীর-আহাবসান্ন্য-সত্ত্ব-প্রকৃতি

বয়সামবস্থান্তরাণি যাত্নুচিন্ত্যমানানি

বিমল বিপুল বুদ্ধেরপি বুদ্ধিমালীকুর্যাঃ

কিং পুনরন্ন বুদ্ধেঃ।

অর্থাৎ দোষ, ঔষধ, দেশ, কাল, বল, শরীর, আহার, সাত্ব্য সত্ত্ব, প্রকৃতি, বয়সের ভিন্ন ভিন্ন অবস্থা এত হৃক্ষ্ম যে তাহা চিন্তা করিয়া কার্য্য করা বিমল বিপুলবুদ্ধি লোকের ও সাধ্য হয় না; অন্ন বুদ্ধির ত কথাই নাই।

—(বঙ্গবাসী সংস্করণে চরকের অনুবাদ।)

এখন আপনারা বিবেচনা করিয়া দেখুন, এই দুইটি সূত্র কত বিসদৃশ। একটিতে দোষাদির বিষয় বিশেষ চিন্তা করিতে বলে, আর একটিতে বলিতেছে, রস চিকিৎসায় এ সকল দেখিবার কোন প্রয়োজন নাই। অর্থাৎ

জ্বর— চিকিৎসায় ঋষিদিগের ব্যবস্থাপিত পাচন, কষায়, শমন, শোধন ও লজ্জন কখন দিবে বা কখন দিবে না এ সকল তর্ক যুক্তি করিবার প্রয়োজন নাই। জ্বর তা তরুণই হউক, মধ্যই হউক, জৌর্ণই হউক, পবাকার জন্ত অপেক্ষা না করিয়া, একবারে (চোখ বুজিয়া রস) প্রয়োগ করিবে।

রস শব্দে যদিও নানা জন নানা অর্থ করেন, কিন্তু এখানে রস অর্থ যে মাকুরিয়া বা পারা তাহার কোন সন্দেহ নাই।

জ্বররোগী পাইলেই রস প্রয়োগ কর্তব্য প্রাচীন ঋষিদিগের এইমত নহে, কেন না পারদের ব্যবহার তখন প্রচলিত ছিলনা। বৈদিক সময় হইতে পর-বর্তী কালীন এই তাত্ত্বিক মত! রস প্রয়োগ, তার সঙ্গে জয়পাল প্রভৃতি তীব্র বিরেচনের ব্যবস্থা, কে না জানেন, ভৈষজ্যরত্নাবলীর প্রথম হইতে— ৫। ৭ পৃষ্ঠায় যে যে ঔষধ আছে, তাহার অধিকাংশেরই ভিতব বিদ্যমান? দৃষ্টান্ত স্বরূপ আমি এখানে তরুণ জ্বরের কয়েকটি ঔষধের নাম উল্লেখ করিতেছি—

(১) শীতভঞ্জী রস

ইহাতে পারা, গন্ধক, জয়পাল ও দস্তী আছে।

(২) তরুণ জ্বরারি—

—উপাদান পারা, গন্ধক, বিষ, জয়পাল, স্নাতকুমারী।

(৩) শ্রীরামরস—

—উপাদান পারা, গন্ধক, মবিচ, জয়পাল, দস্তী।

(৪) নব জ্বরাকুশ—

—উপাদান, পারা, গন্ধক, হিঙ্গুল, জয়পাল, দস্তী।

(৫) প্রতাপমার্ত্তণ্ড রস—

উপাদান হিঙ্গুল, বিষ, সোহাগার খই, জয়পাল।

তরুণ জ্বরে রস এবং সঙ্গে সঙ্গে কোন না কোন তীব্র জয়পালের মত বিরেচন, ভৈষজ্যরত্নাবলীর রস চিকিৎসার ক্রম। বিচার বিবেচনা শূন্য এই রস চিকিৎসা।

এইরূপ ঔষধ প্রয়োগের কুফল— আমরা নিজে ভুক্তভোগী না হইলেও বা ভুক্তভোগী হইয়া নিজে নিজে ব্যক্ত না করিলেও, ডাক্তারেরা এই প্রণালীতে জ্বর চিকিৎসা করিয়া যে শিক্ষা লাভ করিয়াছেন, তাহা তাহাদের প্রণীত পুস্তকে এখনও উজ্জল অক্ষরে যে লিপিবদ্ধ, তাহা আমি পূর্বেই জানাইয়াছি আলাইয়াছি যে ডাক্তার লিনডে লিখিয়াছেন এ দেশে বয়োবুদ্ধের মধ্যে যো

মাড়িধরা দেখিতে পাইবেন, অমিক্রাশই এই আধুনিক চিকিৎসার ফল। তখন চিকিৎসা ছিল—রোগীকে প্রথম রস প্রয়োগ করা, তার সঙ্গে সঙ্গে তাত্র বিরচন এবং রক্ত মোক্ষণ। তিনি বলেন, এক এক জন রোগীকে ৬০০ হইতে ৮০০ গ্রেণ ক্যালোমেল দেওয়া হইয়াছে। এক বৎসরে জেনারেল হাঁস-পাতালে ক্যালোমেলের খরচ— ১৩,৩৩৭ গ্রেণ।

যিনি এই আত্মরিক চিকিৎসার প্রবর্তন করেন, তাঁহার নাম পূর্বে বলি-রাছি ডাক্তার জনসন। এবং বলিয়াছি যে তাঁহার চিকিৎসার ফলে এই ঘটে, যে তাঁহার বিরুদ্ধে এ দেশে প্রবল আন্দোলন উত্থাপিত হয়। তিনি সেই আন্দোলনে এ দেশ ছাড়িয়া পালাইতে বাধ্য হন।

অবশ্য এই ক্যালোমেল প্রয়োগ, আর আমাদের পারা গন্ধকের কজ্জলী ও হিন্দুল এক নহে। রস প্রয়োগ হইলেও,— ইহাতে মাড়ি খসিয়া যাওয়ার ভয় একরূপ নাই বলিলেও হয়।

তবে ইহাতে যে কোন অপকার হয় না, একথা ঠিক বলা কঠিন। জ্বর-পাল প্রয়োগ ও তদ্রূপ। স্থল বিশেষে উপকারী হইলেও যেখানে কুফল ঘটে সেখানে মহা অনর্থ উৎপন্ন হইতে কতক্ষণ লাগে?

বাহা ইউক— ডাক্তার জনসনের আত্মরিক চিকিৎসার পব ডাক্তারেরা এদেশে refrigerent ঔষধ অর্থাৎ যাহাতে বমনাদি আনয়ন করিয়া শরীরের সঞ্চিত দোষ বহিঃনিসৃত কবিতো পাবে, এমন ঔষধ ব্যবস্থা করিতে থাকেন। এই refrigerent সম্বন্ধে তাঁহাদের যে মত লিপিবদ্ধ আছে, তাহাতে আমরা দেখি-রাছি, একজন বলিতেছেন এই ঔষধ দেওয়া— আর কিছু না করিয়া কিছু করিলাম এইরূপ বিশ্বাস জন্মান ইহাই যথালভ— অধিকন্তু শুভ এই যে উপকার করিতে না পাবিলেও ইহাতে কোন অপকার করা হয় না।

ডাক্তারদিগের refrigerent ঔষধ কিঞ্চিৎ তৎসদৃশ চিকিৎসা বাহা, তাহা ভৈষজ্যরত্নাবলীর অর চিকিৎসায় প্রথমেই উল্লিখিত হইয়াছে। ষড়ঙ্গ পানীয় হইতে আরম্ভ করিয়া পঞ্চ মূল বৃহৎ স্বল্প, চতুর্দশাঙ্গ, অষ্টদশাঙ্গ প্রভৃতি— পাচন সমস্তই এই শ্রেণীর ঔষধ। দোষের নিরূহণ— সকল গুলিরই মুখ্য উদ্দেশ্য। অরকে পৃথক্ বন্দ সান্নিপাতিক ভেদে বিভক্ত করিয়া সেই বাতাদি দোষকে

শরীর ও শোষণ করিতে এই সকল সংযোগ হুট হইলেও, প্রথম লক্ষ্যে ইহাদের প্রয়োগ নিষিদ্ধ। লজ্বন বা যড়ঙ্গ পানীয় এবং যবাগুপ্রভৃতির ব্যবহার তরুণ জরের প্রথম চিকিৎসা। ডাক্তারেরা হয়ত বলিবেন ইহাও তাঁহাদের refrigerent এর মত— কিছু না করিয়া কিছু করিলাম— অধিকন্তু উপকার কারিতে না পারি, অপকার করিলাম না এই ইহার লাভ।

ডাক্তারেরা বাতাই বলুন— আমরা আয়ুর্বেদের দিক হইতে বলিতে চাই, এই যে যড়ঙ্গ পানীয় ও যবাগু চিকিৎসা— ইহাই তরুণ জরের এক্ষত চিকিৎসা। মহর্ষি পুনর্কল্প উদ্ভাবিত উদ্ধৃত সূত্রের সহিত ইহার সম্পূর্ণ যোগ আছে। দোষ, দেশ, কাল, বয়স, সাত্ব, আহার, ঔষধ প্রভৃতি সূক্ষ্মতম সকল বিচার করিয়া এই চিকিৎসা। অতি সাবধানে অতি সতর্কতার সহিত এই চিকিৎসা ক্রম আয়ুর্বেদাচার্য্যগণ উদ্ভাবিত করিয়া গিয়াছেন। গেলেও একটি বিষয়ের অভাব আছে; অভাব তাঁহারা মনে করিয়াছিলেন, জ্বর ভূতাজি-সন্ধ্যা হইলেও, সকল জ্বর ভূতাজিযোগ্য নহে। জরে বাতাদি দোষই সর্বজ্বর ব্যাপিত, — পৃথক দ্বন্দ্ব সংসর্গ ও আগন্তক লইয়া জরের মূল বিভাগ। বিষমজ্বর— ইহার অন্তর্ভুক্ত— এক কোণে অবস্থিত। মোট-কথা ম্যালেরিয়া ধরিয়া তাঁহারা জরের চিকিৎসা প্রণালী পরিগঠন করেন নাই।

ডাক্তারেরা যেখানে ৫ গ্রেণে না হইলে ১০ গ্রেণ, ১০ গ্রেণে না হইলে ২০ গ্রেণ কুইনাইন দেন, সেখানে তাঁহারা কেবলমাত্র লজ্বনের উপর নির্ভর করিতে গিয়া স্থলবিশেষে জয়যুক্ত হইলেও অধিকাংশ স্থলেই হটিয়া হটিয়া শেষে তরুণ জরের চিকিৎসা বিদেশীয় হস্তে তুলিয়া দিয়া আপনার পারে আপনি কুঠারাঘাত করিয়াছেন। দোষের অংশাংশ কল্পনা করিয়া চিকিৎসা যে কি কঠিন তাহা, যাহারা, এইরূপ সূক্ষ্ম ভাবে বিচার করিয়া চিকিৎসা করেন, তাঁহারা ই বলিতে পারেন। মহর্ষি পুনর্কল্প যে বলিয়াছেন, ইহাতে বিমল মিশ্রমতির বুদ্ধিও আকুলহয়, অল্প বুদ্ধির ত কথাই নাই। ইহা সত্য অতি সত্য কথা! লাটন চিকিৎসা, যবাগু চিকিৎসা, যড়ঙ্গ পানীয়ের চিকিৎসা, এদেশে কল্পনামাত্র ব্যাভিনামা চিকিৎসক করিয়া থাকেন, বা করিতে প্রস্তুত? হিম্মতেশ্বর, যুজ্ঞেশ্বর, তরুণ জরে যেরে যেরে। রস প্রয়োগ এবং সেই সঙ্গে ডাক্তারি সাঙ বালি আরাকট হালিক, এলেনবেরী পর্য্যন্ত। কেবল যত দোষ কুইনাইনে— বাক্য ম্যালেরিয়া জরে যথাস্থি, তাহাই তাঁহাদের সর্বনাশের

জন্ম অপর্যন্ত তাহার প্রকারে গ্রহণ করেন নাই । পের দেশের কুইনাইন ইষ্ট-রোপীয়েরা আগে সন্ধান পাইয়া গ্রহণ করিছেন, আমরা আগে জানিতে পারি নাই, যদি কিছু কুইনাইনেব অপরাধ থাকে, আমি দেখি এই অপরাধ ভিন্ন আর তাহার কোন দোষ নাই—সুধু এই এক দোষের জন্য এমনি করিয়া সর্বস্বান্ত হওয়া, ইহা বৃত্তিসঙ্গত নহে । সকলে মিলিয়া একত্র হইয়া কুইনাইনকে আমাদের করিতে আপনাদের কতকণ লাগে, ? একটি সংকৃত শ্লোক—তাহার রচনা, আপনাদের মধ্যে বে সে করিতে পারেন । আমি বলি ম্যালেরিয়ার নাম বিষম জ্বর দিয়া কুইনাইনকে বরণ করিয়া আপনারা ঘরে তুলুন, দেখিবেন আমাদের জ্বর চিকিৎসা দেশ জুড়িয়া যাইবে । দেশের তিন ভাগ লোক আয়ুর্বেদের জয়গীতি আবার উচ্চৈশ্বরে গান করিতে থাকিবে । কুইনাইন ম্যালেরিয়ার সুপরিচিত হইয়া ধ্বজস্তরির মত সম্মান লাভ করিয়াছে । এই সুপরিচিত ঔষধ ইহাকে ছাড়িয়া দেওয়া আর আমাদের কতব্য নহে । পেরুর কুইনাইন এখন দার্জিলিঙ্গে প্রচুর পাওয়া যায় । বিদেশীয় দ্রব্য বলিয়া ও ইহাকে আর অনাদর উপেক্ষা করা চলে না । তবে যদি একান্তই আর কোন কারণ থাকে, যাহাতে কুইনাইন আমরা লইতে পারি না, তাহা হইলে নিকপায় হইয়া আমি বলিতেছি—আমাদের জ্বর চিকিৎসা এমন করিয়া নূতন ভাবে পরিগঠিত করা হউক, যাহাতে সব রোগী না মারিলেও অধিকাংশ বোগীই মারিতে পারে । কি করিলে সেই প্রণালীর চিকিৎসা আমরা পুনরুদ্ধার করিতে পারি তাহাই এখন পরিচিস্তনীয় । আমি বিশেষ সতর্কতার সহিত দেখিয়াছি, আমাদের জ্বর চিকিৎসার তালিকার মুখ্য এবং গৌণরূপে কত গুলি দ্রব্য বিখ্যত হইয়াছে ।

অত্বেকার প্রবন্ধে এই সকল উপাদানের উল্লেখ করাই আবশ্যিক । আয়ুর্বেদে জ্বরের চিকিৎসায় বাহা বাহা জানা প্রয়োজন, তাহাতে আপনারা সকলেই আমা অপেক্ষা অনেক বেশী অভিজ্ঞ । স্তত্যাং সে চিকিৎসা সম্বন্ধে কোন কথা এখানে উত্থাপন করা আমার পক্ষে উপহাসের বস্তু । আমি আপনাদিগকে, সেই চিকিৎসার কথা বলি, যাহাতে বিষমজ্বরকে ম্যালেরিয়া বলিয়া স্বীকার করিলে, বেক্রপ প্রণালীর চিকিৎসা অনুসরণ করা আবশ্যিক হয় । বিগত মাসিক সভার অধিবেশনে আমি নিজের কোন কথাই না বলিয়া কেবল দেখাইতে চেষ্টা করিয়াছিলাম, আয়ুর্বেদে বিষমজ্বরের উৎপত্তি সম্বন্ধে যে যে কারণের উল্লেখ আছে, তাহা ভিন্ন, একদল বিভিন্ন সম্প্রদায়ের

লোক প্রচার করিয়া গিয়াছেন, কিংবা প্রচার করিতে চেষ্টা করিতেছিলেন, যে অরমাত্রই বিষমজ্বর এবং বিষমজ্বর ভূতাবিষদ্বোষ। ভেড় ভালুক পুলাবত বাণ প্রভৃতি আয়ুর্বেদাচার্য্যগণই যে কেবল এই মত পোষণ করিতে-ছিলেন তাহা নহে,— ভগবান্ শ্রীকৃষ্ণ নিজে এই শেবোক্ত মতের সংস্থাপক, প্রচারক, ও প্রকাশক। তিনিই প্রথম প্রচার করেন, বিষমজ্বর ভিন্ন অস্ত্র আকারে জ্বরের আধিপত্য মানবের উপর নাই, এবং এই বিষমজ্বর শিব-জ্বর। যে প্রমাণের উপর নির্ভর করিয়া আমি এই কথা বলিয়াছি, সে প্রমাণ হরিবংশে বিস্তৃতভাবে আছে; ত্রুতবৈবর্ত পুরাণেও সংক্ষেপে এই সকল প্রমাণ বচন উদ্ধৃত হইয়াছে। আমি ঐ সকল প্রমাণ যথাযথ আকারে বিগত বারে আপনাদিগের নিকট উদ্ধৃত করিয়াছি। আপনারা তাহার যে প্রতিবাদ করিয়াছিলেন, তাহা আমি আমার কোন কথার প্রতিবাদ মনে না করিয়া মনে করিয়াছিলাম, আপনারা আমাদের পূর্বাণেরই প্রতিবাদ কবিতেন। আয়ুর্বেদের মতের উপর আপনাদিগের সকলের শ্রদ্ধা বহুদিন হইতে বদ্ধমূল হইয়া আসিতেছে। পৌরাণিক মতে সহসা আপনারা আস্থা স্থাপন করিতে পারেন নাই, তাহা আপনাদিগের প্রশংসারই বিষয়। কেবল আপনারা একা নহেন, এপর্য্যন্ত এই মতের উপর কোন চিকিৎসকই আস্থা স্থাপন করিতে পারেন নাই। পারিলে ভল্লনেব মত একজন কৃতবিদ্য ব্যক্তি এই মতকে অল্পতন্ত্রবিদদিগের মত বলিয়া এমন উপেক্ষা করিবেন কেন? কেবল ভল্লন নহেন, ভগবান ধন্বন্তরিও নিজগ্রন্থে তাঁহাদিগকে “কেচিং” শব্দে অভিভাষণ করিয়া একপ্রকার উপেক্ষাই প্রদর্শন করিয়া গিয়াছেন। কেচিংসংজ্ঞাভিহিত এই সকল ব্যক্তিগণের মত লইয়া আমি যখন বলিয়াছি, বিষমজ্বর এবং ডাক্তারদিগের আবিষ্কৃত ম্যালেরিয়া একই তত্ত্ব, তখন আমি নিজেই নিজেকে যখন নিরপরাধী মনে কবিতো পারি না, তখন আপনারা পারেন নাই, তজ্জন্ত আমি কিছুমাত্র হুঃখিত নহি। আমি কেবলমাত্র এই অনুরোধ করিতেছি, পৌরাণিক মতে বিষমজ্বর এবং ম্যালেরিয়া যে সদৃশতত্ত্ব তাহা আপনারা পুরাণের দিক দিয়া স্বীকার করেন। যদি এইরূপ স্বীকার করায় ক্ষতি বোধ না হয়, তাহা হইলে এই স্বীকারের উপর সম্পূর্ণভাবে নির্ভর করিয়া আমি অস্ত্রকার আলোচনার বিষয় যথাসাধ্য ও যথাসম্ভব পরীক্ষার করিয়া দেখাইতে প্রস্তুত হই। আয়ুর্বেদের মতে জ্বরের যে প্রণালীর চিকিৎসা অনুষ্ঠিত হইয়াছে ও হইয়া আসিতেছে, তাহা আপনারা, পুর্বেই বলিয়াছি, আমি

অপেক্ষা অনেক ভাল জানেন। আমি ভূতাভিষঙ্গ ধরিয়া জ্বরের--- শিব-জ্বরের--- বিষমজ্বরের চিকিৎসা আপনাদিগের নিকট অস্ত্র নিবেদন করিতে অনুরূপ প্রার্থনা করি। এই প্রণালীর চিকিৎসা অনুসৃত হইলে, ডাক্তার-দিগের নিকট আমরা আর অসম্মানিত হইব না, ইহা আমি একরূপ নিশ্চয় করিয়া আপনাদিগকে বলিতে পারি। তাঁহারা কুইনাইন প্রয়োগ করিয়া কার্য ক্ষেত্রে যেরূপ যশস্বী হইতেছেন, আমরা কুইনাইন প্রয়োগ না করিয়া কেবল আমাদের স্বদেশীয় ভেষজের সাহায্যে তদ্রূপ যশোলাভ করিতে সমর্থ হইব। বিজ্ঞানক্ষেত্রে আজ সংপ্রাপ্তি বিজ্ঞানেরই সমূহ আদর। আমাদের জ্বরের সংপ্রাপ্তি বিজ্ঞান ভূতাভিষঙ্গের উপর প্রতিষ্ঠিত হইলে, ঔষধে কি করে— বিজ্ঞানের বিচারে উচ্চসম্মান লাভ করিতে আমরা আর বঞ্চিত থাকিব কেন? তাঁহারাও যেমন স্বীকার করিতেছেন, জ্বরের ঔষধ ভূতাভিষঙ্গ বিনাশক, আমরাও সেইরূপ বলিতে চাই, আমাদের চিকিৎসা শাস্ত্রে যে সকল ঔষধ আছে, তাহাও সম্পূর্ণরূপে ভূতাভিষঙ্গেরই বিরোধী। পেরুর কুইনাইনের অনুসন্ধান তাঁহারা আগে পাইয়াছেন, আমরা আগে পাইনাই উভয়ের মধ্যে এইমাত্র যাহা কিছু ইতর বিশেষ! প্রকৃত কথা বলিতে কি, আমাদের পুণ্য আয়ুর্বেদে এমন সকল ভেষজ আছে, যাহা ভূতাভিষঙ্গ নষ্ট করিতে কুইনাইন অপেক্ষা অধিকতর শক্তিসম্পন্ন। বর্তমান সময়ে এরিলিক্সের যে জরনিদানে প্রতীচ্য ভূমি নিনাদিত, সেই ৬০৬ যে উপাদানে গঠিত, সকলেই শুনিয়া আনন্দিত হইবেন,— সেই পুণ্য পবিত্র বীৰ্যবান ঔষধ ভাবতেরই সম্পত্তি। ভারত সর্ব প্রথমে ইহার আবিষ্কার করিয়া ভৈষজ্য বিজ্ঞানের ইতিহাসে চির দিনের জ্ঞাত অসীম জয়যুক্ত! Berdœ তাঁহাব সুবিখ্যাত গ্রন্থে লিখিয়াছেন—

Preparations of arsenic have long been used in medicine. Dioscorides applies the name arsenikon to the yellow Sulphuret of arsenic. The Arabs call it Turmeekh, which is supposed by Sprengel to be a corruption of Arsenikon. They were familiar with the white oxide, which they call Sum-al-far,— Mouse poison or rats poison the Hindus were well acquainted with the form of arsenic known as orpiment, which they call. "Hertal" realgar which is thus mansil and white arsenic which they name "Sancha".

Royle thinks it was first prescribed internally by the Hindus, who used it for leprosy and intermittent fevers. It is a remedy of great value in many kinds of skin diseases and in of great use in agues and in all periodic disorders for which it is only inferior to Quinine.

কেবল arsenic নহে, Royle বলেন, Mercurus or quick Silver was known to the ancients. It was probably first pre-cribed internally by the Hindus. স্বর্ণ, বৌপ্য, যবক্ষার, সাতিক্ষার সৈহাগা এ সমস্ত ভেষজ ও ভারতের প্রথম আবিষ্কার।

মোটকথা আমাদের ভেষজ ভাণ্ডারে এমন সকল অমূল্য রত্ন আছে, বাহা ভূতাত্ত্বিকেরও সম্পূর্ণ বিরোধী।

মেই সকল দ্রব্য কি তাহা বলিবার পূর্বে আমি একটি তালিকা প্রতি আপনাদিগের মনোযোগ আকর্ষণ করিতে অনুমতি প্রার্থনা করি। তালিকাটি আমি অতিয়ত্তে অণু প্রত্যুষে আপনাদিগের জ্ঞান সংগঠন করিয়াছি।

আমরা বোধ হয় লক্ষ্য করিয়া থাকিবেন, আমাদের ঔষধাবিজ্ঞাননীতিতে তরুণ জরের চিকিৎসায় রস চিকিৎসাধায়ে ১৭টি ঔষধ সংগৃহীত আছে। (১) হিন্দুলেখর (২) শীতভঞ্জীরস (৩) তকণজ্বরারি (৪) নবজ্যোতিসিংহ (৫) ত্রিপুর ভৈরব রস (৬) জর ধূমকেতু (৭) শ্রীমূতাজ্বররস (৮) শ্রীরাম রস (৯) নবজ্বরাকুশ (১০) প্রচণ্ড রস (১১) বৈগুনাথ বট (১২) অগ্নি-কুমার রস (১৩) রত্নগিরি রস (১৪) প্রতাপমার্ভিও রস (১৫) চণ্ডেশ্বর রস (১৬) উদক মঞ্জরী রস (১৭) অচিন্ত্যশক্তি রস।

এইসকল ঔষধের উপাদানগুলি নিম্নলিখিত রূপে; যথা—

(ক) মরিচ	(খ) জয়পাল	(গ) বিষ।	(ঘ) হিন্দুল
জঠ	দস্তী		পারা
পিপুল	কটকী।		গন্ধক
বচ			ভাদ্র
কুড়			সোহাগার খই
মুতা।			লৌহ
			স্বর্ণ
			অ্যত্র

সীসা

বৈক্রান্ত

স্বর্ণমাক্ষিক ।

(৬) ভাবনা---

জান্তব--- রোহিতপিত্ত---

উদ্ভিজ্জ (১) নিসিন্দা পাতার রস

(২) উচ্ছেপাতার রস

(৩) জম্বীর রস

(৪) স্নাতকুমারীর রস

(৫) ভৃঙ্গরাজ

(৬) কেশরাজ

(৭) সজিনা

(৮) বাসক

(৯) বচ

(১০) চিতা

(১১) ভূ কদম্ব

(১২) কণ্টকারী

(১৩) গুলঞ্চ

(১৪) জয়ন্তী

(১৫) বকপুষ্প

(১৬) ব্রহ্মী

(১৭) তিতরাজ

(১৮) আদার রস

(১৯) থানকুনি

(২০) গিমাশাক

(২১) শালিঞ্চা

(২২) কাটানটে

(২৩) অপরাজিতা বেত

(২৪) হুড় হুড়ে খেত ।

(৮) অমুগান---

আদার রস

স্নাতকুমারীর রস

চিনি

গুঠ

পিপুল ও কাথ

মরিচ

ধনের কাথ

কৃষ্ণজীরা

পুরাতন গুড়

গান

উষ্ণ বা ঈষদুষ্ণ জল

গুঠ চূর্ণ ।

(৯) পথ্য

(১০) ব্যাপত্তিতে

শীতল জল

মস্তকে তৈল ও

ইক্ষু

শীতল জলের পটি ।

চিনির জল

মুগের ঘূষ

দধির মাত

তক্র

অন্ন

মাংসঘূষ ।

(১১) উপসর্গে---অমুগান

পীনস ও প্রতিশ্যে	আদার রস
আগ্নিমান্দ্য	লবঙ্গ
আমে	শুঠ চূর্ণ
অমাতিসারে	ধূতাক্তি
পকাতিসারে	কুঙ্ক কাথ মধু
অতিসারে	মুতা
কাশে	কটকারী
শ্বাসে	সর্ব ১ তৈল ও পুরাতন শুড়
ককজ্বরে	আদার রস, নিসিন্দা পাতার রস
সান্নিপাতিকে	
প্রথম অবস্থায়	পিপুল আদার রস
গ্রহণীতে	শুঠ
শোথে	দশমূল ।

এই সকল উপাদানের মধ্যে—

বিষ— ১. ৩ ৪. ৫. ৭. ১০. ১২. ১৪. ১৫ সংখ্যক ঔষধে— মোট ৯বার উল্লিখিত

হিসুল— ১. ২. ৬. ৭. ৯. ১৪.— মোট ৬বার

পারা ও গন্ধক } — ১. ৩. ৪. ৬. ৭. ৮. ৯. ১০. ১১. ১৩. ১৫. ১৬. ১৭ সংখ্যক ঔষধে
মোট ১৪বার ।

সোহাগার খই— ৫. ৭. ১৪. ১৬.— মোট ৪

তাম্র— ৪. ৫. ১৩. ১৫. ১৭ মোট ৫

লৌহ— ৪. ১৩ মোট ২

মরিচ— ৭. ৮. ১২. ১৬. ১৭— মোট ৫

পিপুল— ১. ৭ মোট ২

জয়পাল— ২. ৩. ৮. ৯ ১৪. মোট ৫

দস্তী— ২. ৫. ৮, ৯ মোট ৪

ভৃঙ্গরাজ— ১৩. ১৭ ২

রোহিতপিস্ত ১৬

তক্র— ১০ ১৬ ২

অন্য উপাদান— ১ বার

কটকী— ১১ ১

আদার রস— ৪, ৬, ৭, ১০, ১১, ১২, ১৫— ৭

নিসিন্দা পাতার রস— ১০, ১৩, ১৫, ১৭— ৪

এই তালিকাভুক্ত উপাদানগুলির মধ্যে

বিষ

হিঙ্গুল

পারা

গন্ধক

সোহাগার খই

তাম্র

হরিতাল

মনছাল

ত্রিকটু

ত্রিফলা

জয়পাল

প্রধান ।

প্রধানতম—

বিষ

পারা গন্ধক হিঙ্গুল

হরিতাল

মনছাল

সোহাগার খই

তাম্র

জয়পাল ।

কুঁচলে

ভেলা

পঞ্চপিত্ত

কৃষ্ণসর্প বিষ ও ধূতরা বীজের প্রয়োগ

মধ্যজরে বিশেষ উল্লেখযোগ্য ।

জীর্ণজ্বরে—

প্রবাল ভস্ম

মুক্তা —

কড়ি —

গুজি —

স্বর্ণ —

লৌহ —

অত্র —

তাত্র — বিশেষভাবে পরিদৃষ্ট হয় ।

• পূর্বোক্ত তালিকাটির প্রতি দৃষ্টিপাত করিলেই আমরা যেমন দেখিতে পাই, তরুণ ও মধ্য জ্বরের চিকিৎসায় আমাদের প্রধান ভেষজ—

বিষ

পারা

গন্ধক

হিঙ্গুল

তাত্র

সোহাগার খই

মরিচ

জয়পাল

দস্তী

আদার রস

এবং নিসিন্দা পাতার রস

তেমনি হরিতাল ও মনছাল ইহার অপরনিকে প্রধান অঙ্গ ।

তরুণ জ্বরে প্রধানতম— ভেষজ—-- পাঁচ গন্ধক ।

তার নিচে বিষ

তাত্র, সোহাগার খই

জয়পালাদি বিরেচক ।

আয়ুর্বেদের মতে তরুণ জ্বরের সীমা ৭ রাত্রি ।

তাহার উর্দ্ধে ২১ দিন পর্য্যন্ত মধ্য জ্বর ;

তার পর জীর্ণ জ্বর ।

যদিও এই সীমা সৰ্ব্বদে মতভেদ আছে, কিন্তু পূর্বোক্ত ৭ দিন তরুণ জ্বরের এক ভদ্রুর্দ্ধে মধ্য এবং জীর্ণ জ্বরের সীমা সাধারণতঃ নির্দিষ্ট ।

এখন মধ্যজ্বরের এবং জীর্ণজ্বরের ঔষধের তালিকা দিতেছি ।

(১) রস, উপরস, ধাতু, উপধাতু প্রভৃতি যথা—

হিন্দুল	বিষ	শুঠ	মরকার
পারা	কুচিলা	পিপুল	সাজিকার
গন্ধক	ভেলা।	মরিচ	সন্ধরলষণ
সোহাগার খই		হরীতকী	বিট—
তাম্র		আমলকী	মচল—
হরিতাল		বহেড়া।	
মনহাল			
স্বর্ণ, স্বর্ণমাক্ষিক			
রৌপ্য	শিলাজতু	ধূতরাবীজ ও রস	নিমছাল
লৌহ		জয়পাল	
অত্র		দস্তী	
সীসা		তেউড়ী	
তুতে		কটকী	
		কালমেঘ	
হিরাকস		উচ্ছেপাতা	
গেরিমাটি		আকন্দছাল	
বঙ্গ			আদার রস
অন্নকাত্ত			নিসিন্দা রস
প্রবাল ভগ্ন			
মুক্তা ভগ্ন			
ভক্তি—			
কড়ি—			

তরুণ এবং মধ্য জ্বরের উপাদানগুলির প্রতি দৃষ্টিপাত করিলে এবং প্রধান প্রধান ভেষজগুলির কথা স্মরণ করিলে,— স্পষ্টই উপলব্ধি হইবে যে— আমাদিগের দেশের জ্বর চিকিৎসায় এমন সকল ভেষজের সংমিশ্রণে পরি-গঠিত যে ডাক্তার দিগের পরিভাষায় বলিতে হইলে বলা যায়, যে ইহার এক দিকে যেমন

বিরেচন

রস প্রয়োগ—

অবস্থিত,

তেমনি অপব একদিকে— দোষ নিঃসারক

পাচনাদি—

এবং অস্থাদিকে— ভূত নাশক ঔষধ বাহাতে জীবাণু এবং উদ্ভিজ্জাণু জিবাংসু ভূতবিশেষ বিধ্বস্ত হয়। এই শেবোক্ত ঔষধের মধ্যে হরিতান মনছাল পূর্বে বলিয়াছি, কুইনাইনের সমকক্ষ না হইলেও ঠিক নিম্নেব স্তবেই অবস্থিত।

প্রাচীন চরকাদি গ্রন্থের চিকিৎসা বাহাতে লজ্জন বমন হইতে আরম্ভ করিয়া

ষড়ঙ্গ পানীয়

যথা শু

পাচন—কষায়

প্রভৃতি সন্মন ও সংশোধন

ঔষধের ব্যবস্থা আছে, তাহা দোষ নিষ্কাশনের দিক দিয়া দেখিলে ডাক্তারদিগের refrigerant স্বরূপ। রস প্রয়োগে জ্বর চিকিৎসা এবং তৎসঙ্গে জনপাল প্রভৃতি তীব্র বিরেচন এবং সেই সঙ্গে বিষ প্রয়োগ—ইহা ঠিক সেই শ্রেণীবা চিকিৎসা যে চিকিৎসা ডাক্তার জনসন এদেশের চূর্ত্যাগ্য ক্রমে জেনারাল হাসপাতালে এবং অগ্রাণ্ড স্থানের চিকিৎসায় পৰীক্ষা করিয়া বান। ইহাব কুদল আগনাদিনকে পূর্বেই নিবেদন করিয়াছি। তবণ অব্যব এই সকল— ঔষধ আয়িনান্দ্য হেতু অজীর্ণ হইয়া উদরে সঞ্চিত থাকায়, মদ্যজ্বরে যেমন বোগী উপসর্গাদি দ্বারা 'জীর্ণ ও দুর্বল হইয়া পড়ে, সে সময় যে মহান অনর্গলসুস্থপাচন কবিত্তে পাবে, এবিষয়ে কোন সন্দেহ নাট। সম্ভবতঃ এই প্রকার ঔষধের অপকারিতা পরিদৃষ্টে আয়ুর্বেদীয় চিকিৎসকগণ— তবণ জ্বরের চিকিৎসা পরিত্যাগ করিতে বাধ্য হন।

সকলেই স্বীকার করিবেন, জীর্ণ জ্বরের চিকিৎসায় আয়ুর্বেদীয় চিকিৎসকগণ আপনাদিগের যথার্থ কৃতিত্ব প্রদর্শন করিয়া থাকেন। কবিবার কথাও আছে; এই চিকিৎসায় তাহারা প্রকৃত প্রস্তাবে এমন সকল ঔষধ ব্যবস্থা করেন, যাহা, জ্বকে ভূতাবিস্রোথ মনে কারণে, সে জ্বর প্রশমনে তাহা অব্যর্থ। প্রকৃত ভূত বিনাশক ঔষধ বাহা, তাহাই আয়ুর্বেদীয় চিকিৎসাগ্রন্থের শেষ-

ভাগে, সংগৃহীত হইয়াছে। হরিতাল মনছাল এর আবস্ত — এইখানে ; সোহাগার খই, তায় — এবং সঙ্গে সঙ্গে রস ও গন্ধকের, এমন সুন্দর সমাবেশ এখানে সেমন আব কোথায় তেমন আছে কি ? একটু বিচার পরায়ণ হইয়া দেখিলেই আপনারা স্পষ্টই দেখিতে পাইবেন—

রস ও গন্ধক

ইহাদের অপেক্ষা Parasiticide ঔষধ আর আছে কি ? কলিকাতা হাস-পাতালে অত্র টিক্টিংসাব এত যে জয়ধ্বনি ! দেখিবেন, ইহার যে কিছু বিজয় বার্তা এই রস ও গন্ধককে মধ্যাকেন্দ্র করিয়া সমুদিত।

তাবপর হরিতাল মনছাল। পূর্বে এরিলকের ৬০৬ এর কথা বলিয়াছি ; ডাক্তারদিগের কীর্তিস্তম্ভ — এই হরিতাল মনছাল কিম্বা তৎজাতীয় ভেষজের উপর সম্পূর্ণরূপে সংপ্রতিষ্ঠিত। উপদংশ একা নহে, যক্ষ্মাতেও এই ঔষধ, কেহ কেহ বলেন একমাত্র ঔষধ, বহু মূত্রেও প্রায় সেই কথা। কুষ্ঠ, চর্মরোগ যেখানে যত প্রকার আছে, সর্বত্রই সেই arsenic — যাহা ডাক্তার Royle বলিয়া-দেন, ভারতহ ইহাব আভ্যন্তরিক প্রয়োগবিষয়ে অগ্রণী।

সোহাগার খইএ মুখের যা সাঁবে কে না জানেন ? — সেই সোহাগার খই আয়ুর্বেদে পবে পত্রে ! যে জবে অস্ত্রে ক্ষত হয়, যেমন টাইকয়েড জ্ব — সেখানে এই স্নান মূল্যের সোহাগা — সর্গ হইতেও বহু মূল্য।

তাই বলিতেছি, যাহাদের পুস্তকে রস আছে, গন্ধক আছে, মনছাল আছে, সোহাগা আছে, তাহাদের পবান্নপুষ্ট কয়েকটি তুচ্ছ উদ্ভিজ্জাগ বা জীবাণুর বিনাশের জন্ত আর নাষ্ট কি ? কুইনাইন নাই বা থাকিল ! যাহা আছে তাহাই যথেষ্ট ! তাহাই একত্রে বা পৃথক পৃথক ভাবে পরিকল্পনা করিয়া ভূতা-ভিষকের ধ্বংসার্থ ব্যবহার করিতে পারিলে, আয়ুর্বেদ লইয়া ত্রিয়মাণ হইবার কথা কি ?

কিন্তু বলিতে একটু ইতস্ততঃ করিতেছি, আমরা পুরাণের দিক দিয়া বিষমজ্বর কি তাহা বুঝিতে চেষ্টা না করিয়া, — মনে করি, হরিতাল মনছাল, সোহাগার খই, রস গন্ধক, তরুণ জরে কিম্বা মধ্য বা জীর্ণ অবস্থাতেও অনিষ্ট-কর। হিন্দুদেশের দিয়া আমবা তত ভয় করি ন্ধ ; কেন না ইহার বাটিকা যতদূর স্বাস্থ্য করা যায়, ততদূর আমরা করিয়া থাকি। কিন্তু হরিতাল মন-ছাল দেওয়া ঔষধ আনাদের তরুণ জরে আর বড় বেশী স্থান পায় ন্ধ। ডাক্তারেরা কালাজরে যে সোয়ামিন, আরেহনাল কিম্বা আটক্‌সিল ব্যবহার

করেন—তাহাদের পরীক্ষিত ঔষধের ঔষধ যে ইহা— তাহার কারণ, ইহাতে আর্সেনিক আছে। তাঁহারা বলেন রক্তশূন্যতা নিবারণ পক্ষে arsenic অব্যর্থ। তাঁহাদের ব্রডসপিল ও আর্সেনিক; তাঁহাদের arsenoferratose প্রভৃতি ঔষধও যে এত আদরের তাহার কারণ, লৌহ এবং arsenic ইহাতে একত্রে মিশান। ডাক্তারেরা যেখানে কুইনাইন দিয়া উপকার দেখেন না, সেখানে, একবার arsenic কোম না কোনরূপে দিবেনই দিবেন। কিন্তু আমরা arsenic কে বাধের মত দেখি,— দেখিয়া যেখানে দিলে ইহাতে সুমঙ্গল হইবে, সেখান হইতে হটয়া আসি। আর্সেনিক অর্থ “রসান” করা!

আজ যে টাইফয়েড জ্বর জীর্ণজরে পরিণত হইয়াও, ডাক্তারদিগের হস্তে না সারা পর্য্যন্ত অধিক সংখ্যা যাইতেছে ও থাকিতেছে, তাহার কারণ, আমরা সোহাগার খইএর এত গুণ জানিলেও সেক্ষেত্রে রামবাণ প্রভৃতি ব্যবহার করিতে ইতস্ততঃ করি। ফলতঃ যে কয়েকটি ঔষধ আমাদের আছে—যে কোন জ্বরের চিকিৎসার্থ সেই কয়েকটি ঔষধ ঔষধের শ্রেষ্ঠ।

আমরা জ্বরের প্রকৃত সংপ্রাপ্তি পৌরাণিক মতের দিক দিয়া না দেখিয়া মিথ্যাহার বিহারের দিক দিয়া দেখিতে গিয়া আমের পরিপাক, দোষের পরিপাক জন্ম সময় ক্ষেপণ করি। ডাক্তারেরা সেই সময়ে তাহাদের ব্রহ্মাস্ত্র কুইনাইন এবং arsenic প্রয়োগ করিয়া দুর্গ দখল করিয়া ফেলেন।

তাই বলিতেছি—যদি এখন আপনারা ভগবান্ ত্রীকৃষ্ণকে আমাদের প্রধানতম আরাধ্য মনে করিয়া তাঁহার উপদেশের অনুবর্তন করিয়া মনে করেন জ্বর, মাট্রেই বিষমজ্বর—বা ম্যালেরিয়া, তাহা হইলে প্রথম হইতেই এখন এমন সকল ঔষধ ব্যবহার করুন, যাহাতে ভূতাত্ত্বিকের আশু দমন সংসাধিত হয়। সঙ্গে সঙ্গে আমপাচক দোষ প্রশমক ঔষধও দেওয়া সেত আরও ভাল; এবং এমন সকল ঔষধও দিতে বাধা কি যাহাতে রক্তের কণা সকলের শক্তি সামর্থ্য বৃদ্ধি করিয়া তাহাদিগকে এই জিয়াংসু ভূত সকলকে নিধন করিতে অব্যর্থ শক্তি সম্পন্ন করে।

আমাদের শাস্ত্রে ইহাও আছে, যে পিতৃগ্রহ আমাদের শরীরকে দৃষ্টগ্রহ হইতে রক্ষা করে। তাহাদিগকে এই কল্যাণকর কার্য্য সুসম্পন্ন করাইতে হইলে, এমনভাবে তাহাদিগকে পূজা ও সংকার করিতে হইবে, যাহাতে তাহারা পুষ্ট হইয়া এই শত্রুদিগের নিধন সাধনে সমর্থ হয়।

পূর্বে বলিয়াছি, জ্বরের কারণ ভেদে অষ্টবিধক যেমন মাধব তাঁহার গ্রন্থের

প্রারম্ভে লিপিবদ্ধ কারিয়া শেষকে প্রারম্ভে পরিণত করিয়াছেন অর্থাৎ শেষের কথা আগে, আগের কথা শেষে লিখিয়াছেন, সেইরূপ আমার মনে হয়, ভৈষজ্যরত্নাবলী প্রভৃতি চিকিৎসা গ্রন্থে প্রথমেই চিকিৎসা শেষে লিখিত হইয়াছে। হরিতাল ও মনছাল, সেই সঙ্গে রস, গন্ধক, সোহাগার খই, তাম্র প্রভৃতির স্থান তাই জীর্ণজ্বরের ভিতর।

ডাক্তারদিগের কুইনাইন যেখানে প্রযোজ্য আমি অমরোধ করি, সেইখানে এই সকল ঔষধ ব্যবহার করিয়া আপনারা অন্ততঃ কিছু দিনের জ্ঞাত পরীক্ষা করেন—যে ইহার অশ্রুচর্য্য ফল কতদূর ?

তরুণজ্বরকে ম্যালেরিয়া বা বিষমজ্বর মনে করিলে যাহা করা উচিত তাহাই আমি কবিত্তে বলি। ঔষধ বিষমজ্বরের ভিতর ঠিকই লেখা আছে, কেবল বুঝিতে হইবে, বিষমজ্বর এদেশে তরুণও যেমন, মধ্যও তেমন জীর্ণও তেমন। সমস্তই ম্যালেরিয়া না হইলেও অধিকাংশই ম্যালেরিয়া। হয় কুইনাইন, না হয় আর্সেনিক তাহার ঔষধ। আর্সেনিক ব্যবহারে যৎ কিঞ্চিৎ কুফল বা ব্যাপত্ত যে নাই, তাহা আমি বলিতেছি না। আছে বলিয়াই আমি বলি, আসুন আমাদের ডাক্তারদিগের মত সবই আছে; এমন কি অনেক বেশীও আছে। নাই এক কুইনাইন; সে কুইনাইন আমরা ছাড়ি কেন? আসুন সকলে সমবেত হইয়া ইহাকে আমাদের ভৈষজ্যরত্নাবলীতে বরণ করিয়া এমন এক অদ্ভুত চিকিৎসা প্রণালী অবতারণা কবি, যাহা আমাদের পুণ্য আয়ুর্বেদকে পুণ্যময় স্থানে দাঁড় করাইতে সক্ষম হইবে। যদি ইহাতে আপনাদের কোন আপত্তি থাকে, তাহা হইলে, আমি আর অধিক বলিতে অগ্রসর হইব না; একবার এইমাত্র জোড়হস্তে অনুময় করিয়া বরি—একবার পুরাণের প্রতি কৃপা কটাক্ষ করিয়া আপনারা পরীক্ষা করিয়া দেখুন, ভগবান্ শ্রীকৃষ্ণের বাক্য অশ্রুত বিষয়ের মত আয়ুর্বেদ বিষয়ে সত্য কি না ?

আমি উপসংহারে পুনরায় আপনাদিগকে স্মরণ করাইয়া দিতেছি, যে তিনি প্রকৃতই বলিয়া গিয়াছেন—জ্বর মাত্রেরই শিবজ্বর; শিবজ্বরকে মানব দেহে প্রবেশ করিতে হইলে একমাত্র বিষমজ্বরের আকারে আকারিত হইয়া তাহাতে আবিষ্ট হইতে হয়। শিবজ্বরের চিকিৎসা ভূতাভিষেকেরই চিকিৎসা।



